

光緒鹿邑縣志目錄

卷一

圖 疆域 城池 縣署 學宮 書院

卷二

疆域考 沿革 三到 高度

卷三

建置考 城池 圖鄉 官署公廨 壇廟 坊表
鋪舍 雜建附

卷四

川渠考 溝渠隄堰橋梁附

卷五

古蹟考 城郭 臺沼 宮觀 墳墓

卷六上

民賦考一

戶口

田賦

鹽課

雜稅

卷六下

民賦考二

災歉

蠲振

卷七

學校考

書院附

卷八

兵事考

卷九

風俗物產考

卷十上

藝文考一 書目

卷十下

藝文考二 碑文 碑目附

卷十一上

秩官表一 唐 宋 金 元 明

卷十一下

秩官表二 國朝

卷十二上

科貢表一 明

卷十二下

科貢表二 國朝

卷十三

宦績傳

卷十四上

人物傳一 自周至明

卷十四中

人物傳二 國朝

卷十四下

人物傳三 一行

卷十五上

列女傳一

卷十五下

列女傳二

卷十六

雜記

光緒鹿邑縣志卷五

古蹟

邑有古蹟見於列史地志及水經注者夥矣一以晰方域之磐互一以定水道之纏絡指雖微異其推表則皆瞭然矧志乘爲一邑專書顧可語焉弗詳直視爲吟賞之寄哉許志攬摭未能無憾今爲旁搜開申辯究期與疆域川渠互有發明汗青闕義非敢仰規獻選見之心竊願侑鄙君以自解焉作古蹟考

郭邑

鹿邑故城在縣西六十里護廂集東隋縣元圮今下基猶存太平寰宇記鹿邑縣

舊二十二鄉今七鄉

漢鄆縣之地屬沛郡後

漢於今縣東北十五里置武平縣隋開皇三年廢郡縣屬
亳州十八年改爲鹿邑縣取故鹿邑城爲名城在縣西十
三里春秋時鳴鹿也敘述至明許志引王志云杜預所謂
鹿邑隋唐宋金建置相沿實因鳴鹿之舊語欠昭晰

苦縣故城呂志云卽今縣治新莽曰賴陵唐曰真源宋曰
衛真乾隆府廳州縣志謂在縣東十里則與賴鄉同地矣
按水經注澗水又東南屈逕苦縣故城南城之四門列築
馳道東起賴鄉南自南門越水直指故臺西面南面列道
徑趣廣鄉道西門馳道西屈武平北門馳道暨于北臺里
到明白與今縣方位頗合疑呂說近是水經注又云谷水
又東逕苦縣故城中水泛則四周隍壑耗則孤津獨逝今

谷水雖隄莫可考證然呂志謂急三道河舊逕城中急三道不似水名乃俚俗之稱何知非卽谷水故道特酈氏所敘自柘縣故城東流者其迹夙廢而下游入澗處又已戕改上人快焉遂更標新目耳說互詳川渠篇

相城陳志云在城東十五里太清宮之左水經注澗水又屈逕相縣故城南其城卑小實中邊韶老子碑文云老子楚相縣人也相縣虛荒今屬苦故城猶存在賴鄉之東澗水處其陽疑卽此城也自是無郭以應之薛道衡老子碑云對苦相之兩城據二說相與苦確非一城明甚後漢書郡國志苦苦春秋之相也自舉縣境言非謂城也陳志疑其不合蓋不審之詞

甯平城在縣西南五十里漢縣晉省水經注沙水自百尺溝東逕甯平縣之故城南晉陽秋稱晉太傅東海王越之東奔也石勒追之燬尸於此今譌爲臨兵城

武平城在縣西四十里漢縣建平二年封東平王子煬爲侯國水經注澗水又東逕武平縣故城北建安元年獻帝以操爲大將軍封武平侯以此城爲封邑考魏書地形志武平正始中置有武平城據此知武平嘗廢至魏宣武時始復置縣縣旣復矣而境內又有故城新故建置不於一地了無可疑今之遺址爲漢爲魏則莫能定矣

谷陽城許志引王志謂在縣東十里蓋卽今谷陽鎮此城始建據宋書州郡志當在晉咸康三年然志云父陽令本

苦縣不作谷陽方輿類纂謂苦縣被魏改曰谷陽其說蓋是竊疑改置竝當在太和以後酈道元敘谷水所逕不及此城是其明證

安平城在縣治西北九十里始建無考

二漢晉書地志均無此縣

水經

注過水又東逕安平縣故城北陳留風俗傳大棘鄉故安平縣也士人敦養易以統御太平寰宇記方輿紀要乾隆府廳州縣志敘沿革皆不及此城疑不屬縣境然今縣境實有安平集集之西南又確有廢城遺蹟也

鄆城在縣西南七十里隋地理志淮陽郡鄆開皇六年置通典路史太平寰宇記方輿紀要皆誤以爲漢縣考水經注淮水篇渙水又東苞水注之水出譙城北白汀陂陂水

流逕鄧縣南又東逕鄆縣故城南鄧鄆皆漢縣也鄧在今
永城縣界自縣視之方位已處東北鄆又在其東何得故
址反處縣境西南如諸書言鄧書隋志都爲紕繆矣
虎鄉城在縣西七十里蓋卽春秋鳴鹿故址漢因置亭水
經注澗水又東逕鹿邑城北世謂之虎鄉城非也春秋之
鳴鹿矣杜預曰陳國武平西南有鹿邑亭是也陳志疑卽
今之護廂集蓋是推考方位集實在澗水之南武平城廢
址西南虎鄉護廂音近而譌亦方俗之常也

廣鄉城乾隆府廳州縣志謂在縣西今無考水經注澗水
又東逕廣鄉北圖稱曰襄邑有蛇邱亭故廣鄉矣王莽改
曰廣世後漢順帝陽嘉四年封侍中摯填爲侯國卽廣鄉

也按襄邑在今睢州境然據酈書敘述則此城實界武平苦縣之間且在苦縣西南馳道徑通也

賴鄉城穀梁春秋傳作厲史記老子傳楚苦縣厲鄉曲仁里人後漢郡國志相有賴鄉晉太康地記苦縣城東有賴鄉祠老子所生也乾隆府廳州縣志謂在縣東十里今無郭以應之疑卽谷陽城亦卽今谷陽鎮水經注谷水又東逕賴鄉城南其城實中東北隅有臺偏高俗以是臺在谷水北其城又謂之谷陽臺是當道元時此城已有谷陽之名後遂因以置縣賴鄉谷陽同是一城雖亦臆度理似不乖許志引王志云瀨鄉城與谷陽城相鄰未知何據

藥城在縣東南十八里魏書地形志谷陽有藥城始建無

考殆亦鄉城舊址今微有迹其西北有藥相寺

平城地道記云在苦縣南三十里今無考

頤鄉舊志不載圖書集成云未詳其處按史記灌嬰傳攻苦譙復得亞將周蘭與漢王會頤鄉徐廣曰苦縣有頤鄉此地史不再見疑卽賴鄉以字形相近而譌

訾毋宋地春秋考實春秋大事表皆云在縣境而不詳在何所今縣東北境與商邱接壤或卽其故地歟

按許志諸城後有垓下蓋據張守節史記正義列載復又雜引徐廣李奇張揖諸說辯其非是夫垓下之不在縣境事無可疑張說之繆亦不待辯故毅然芟之

又困學紀聞載王無咎說云鹿邑之外有五鄉城邑人

相傳謂互鄉童子見孔子者此處也前代因立互鄉縣其城猶存按太平寰宇記徐州沛縣合鄉故城古互鄉之地一統志互鄉在河南商水縣皆不謂在鹿邑王說孤而無證且謂互鄉立縣尤疏故不采錄而附辯於此以釋好古者之疑

臺沼

昇仙臺在城內東北隅明道宮後崇臺三丈湖水滌洞世傳老子飛昇處又名拜仙臺臺上有鐵柱古色黝然非近代物壁銜短碑二左曰猶龍遺跡右曰道德真源

國朝劉榛仙

臺賦饒涼颺凄瘦日絳葉驚紫煙織湖光微皺釣絲強立

有客薄文雅之蕪而來採道德之域

砥典騰樂有人集

跨猶龍而趨越賜蓬萊之萃律水雲埋明道之宮雨龍聒橫經之室露畦菘老霜棚豆密茄星踈而昇縣柳髮枯而

猶柳亭飲焉鬱鬱噫危乎促息悵青牛而莫回卓金柱以
如筆稔愁眉睫僕偃項脊穆清風眸道色難所謀而未同
聊整冠而肅揖五千之旨一開一飛之誤何極氣紫或然
繼丹未必果翻而步九天之表何樂崑而藉數仞之卽
也孔偶詎詒唐肩纘述鴻號翕然附名託跡將無惑政迷
微欲攀龍髯而聽鳴吠于雲霄乎俯水鑑弔亭笠沈鼓桴
荒壘壁漁柳和戰鬼之哭田耒狂遺鏃之拾慨焉而隗磊
何消欬然而尊盤有飶嗜肝多累設醴無失尼果磊柯海
錯盞溢爾乃泳方舟而受賦簡立監史而申酒律鳧翁狎
盟魚婢繞膝神澗滌襟澹沲濯臆汎汎乎鵝湖而寫生森
森乎濂溪之食邑吾將結一草以名鹿洞又何有訪十洲
而鞭鶴翼哉 段煇昇仙臺詩登臨平望倚雲堆下俯清
溪似鏡開鸛井當簷迎絳節虹橋飛絮落蒼苔鐘聽鴈鷺
三更夢道悟松風萬劫灰華表當年傳往蹟青牛何事不
重來 段緯世仙臺秋眺崇臺拾級上臨眺屬新秋紫氣
妥清觀丹霞隔絳樓風來雙檜冷水湧半城浮悟徹常無
妙當前

卽十洲

思陵臺在縣西南四十里後漢陳思王鈞葬處說詳墳墓
伍員釣臺許志云未詳水經注過水又東逕大棘城南故

鄆之大棘鄉也後其地爲楚莊所并故圈稱曰大棘楚地
有楚太子建之墳及伍員釣臺池沼具存陳留風俗傳曰
大棘故安平縣也按地圖今安平集西南有安平故城故
城西南有土阜俗名青
州堆其上有寺阜之西南有黑龍潭土
人謂卽臺沼遺蹟矣

吳臺在縣西四十里基猶存今爲集

許志云按舊志臺在
有岡名瓜岡其地耕

犁平衍遇風雨則如畦土人神其事傳爲孫鍾種瓜之所
遂以名臺考三國志鍾富春人性至孝嘗以施瓜得佳地
葬其母墓在今抗之富陽縣意好事者以瓜岡神異而爲之附會邪

希夷臺許志云在縣東十里隱山之側今廢通志謂在縣

東十三里卽希夷鍊丹處

古華臺許志云在賈家灘河中

顯靈臺在通濟橋北

露臺在飛龍井西里許以上二臺許志並云久廢

靈臺堦堆許志不載通志云在縣西北三十里臺上有寺爲靈臺寺

奎星樓在城上明崇禎十年知縣許士奇創建今重修

桂香樓許志引陳志云在關伯祠之南高七丈乃浮圖也

嘉靖十一年孫忠弼創建於學宮爲艮方故亦名艮塔崇

禎五年圯於水 國朝順治八年貢生楊六行因舊址起

臺以識其處

段乃成重修桂香樓記舊有城與家言鹿城東北傾陷宜起樓觀浮屠以鎮之且以其地

視學宮爲丑視縣治爲寅丑寅二宮皆屬艮艮峯聳秀學縣皆受祀焉此桂香樓之建所由始基也無何改創浮屠七丈奉大千佛像于其中虧雲蔽日巍然成一大勝槩矣風雨剝蝕之久浮屠忽以崩頽瓦礫間僅岼存一址而已

岸友楊君六行近爲其地主慨憤昔之巍然者蕩爲平地
議修復焉適其弟六德宰漢陰寄有俸金以襄此役故有
以舉之而又虞工大費煩事未易竣特請命于縣令閔公
得報可而邑之紳衿大姓皆捐資約畧輻輳若干緡儀圖
其規制仍樓觀剝象高可四五丈擬爲良峯峯成而躋其
顛窮睇城市斷斷南望其廉隅整飭棟宇峻起簷阿華采
而軒翔者邑令閔公所營建也胥于茲臺焉受祉矣吾邑
人士其得于神君之教育者復藉茲地靈之呵護將必有
偉人如軒司寇李詹事王諫議輩應運而興爲
邑乘增光豈止掇高科取青紫而已哉是爲記

收放臺在城西北隅明刑科給事中王堯日讀書處俗呼
爲王臺今有女尼棲其上

樵話臺許志云在縣北八里今存

觀復亭舊在昇仙臺前康熙間知縣呂士鶴重修今廢無

迹

呂士鶴重修觀復亭猶龍隄記邑之昇仙臺相傳爲老

子仙蛻處蓋未知其詳也其址在城之東北隅南與陳
希夷先生之白雲菴相望地俱窪下漚潏積潦漫衍城隈
望之如澄湖浩淼而菴與臺出沒於波光煙靄間當風日

清和柳岸蘆汀漁舟與鳧鷖相亂殊有雲林陂澤之致余
蒞茲土將三年日惟沮沒於簿書間一登眺未嘗不徘徊
對顧神思奮發也臺址舊有觀復亭數椽侈剝不治欷立
風雨中其前爲猶龍隱數爲水波蕩齧圻崩斷沒不可行
余撫景愴然爲之捐俸增葺舊亭繚以垣牆築礎建坊列
楹榆柳使花襲油壁皆得往來馳縱於其間公餘之暇邀
致賓客於以街觴而賦咏亦足樂也嘗攷中州名勝各郡
邑之遺跡甚多而真源僅昇仙臺白雲菴又皆仙蹟幻境
而求當日虞詡陳顛張巡魯宗道田京諸人讀書用兵之
地了不可得豈異教漸漬於人心者久而趨此忘彼因之
論落蕪滅訪求者無其人耶今復使此亭委於榛莽則後
之憑弔者不愈傷乎蘭亭遭遇右軍而清湍修竹之勝流
美至今坡公一濬西泠而花柳長堤遂與湖山增麗山川
勝跡固有得人而益彰者矣余風塵俗吏何敢遠企前賢
亦惟地有名勝不可使之湮沒已耳是亭也基高數仞四
面臨流遶岸林屋多具天趣小加花木掩映或不令繁臺
諸勝專擅其名然余力尚未之
及踵事增華又有望於同志者

澄清亭在昇仙臺東南康熙間知縣呂士鷄建久廢呂志

所謂湖水滌洞頗饒野趣者今悉爲荒墟矣

呂士鷄澄清亭記予既治

鹿之八年修廢舉陸若睢陽精忠祠老子明道宮縣學鄉校以次就理乃作亭於明道宮之東隅顏曰澄清用志古人攬轡之義以爲往來輶軒駐節之所而時以公餘游息講藝欲射於其中亭凡三楹前後爲樞扉左右啓牖使其疏達可以遠眺無蔽耳目爲橋於猶龍堤之側以通來徑亭後有阜因築而方之歲植榆柳於其上復爲橋以道阜使周折皆中規矩此其大致也若乃朝暉出夕月升林光城影水天上下漁歌出叢蘆間與鐘磬互答茲亭之收勝亦云廣矣夫善爲居者因地善爲政者因民古之循吏奉天子法與民休息而已史稱曹參師蓋公得老氏術清靜甯一民歌思之及文景之世號稱極治皆有得於黃老固未可盡信要以奉法順流行所無事舉大綱赦小過爲治去其太甚之意也予聞古人有作皆可傳於後若豐樂喜雨諸記風流輝映與天壤俱敝予不敏敢附古人者哉願地之興廢有時而託文辭者庶幾可久予安知後之官茲士者之修舉廢墜不加愈於予耶姑誌其畧以知予志焉

靈溪池一統志云在鹿邑相傳卽九龍取水以浴老子處陳志謂在太清宮前今無迹

丹井顏志云在太清宮東西二井相對今亦堙廢

九井在太清宮內劉義慶幽明錄襄邑縣南瀨鄉老子之舊鄉也有老子廟廟中有九井能潔齋入祠者水温清隨人意郭緣生述征記老子廟中有九井汲一井八井皆動是也今殿後東偏尚見一井地陷如阱甃階下十數級乃可憑欄引汲蓋地曾罹河患汜濫既息填淤遂高光緒二年知縣瑞徵穿窬得之遇旱祈禱於此取水往往有驗觀渙池在收放臺南陳志云水勢瀾漫不可識別呂志不載蓋湮失久矣

友蓮池陳志云在學宮西北訓導樂韶鑿今廢

老龍潭在龍神廟前週可二十步深不及丈終歲不涸祈

雨亦恆驗

黑龍潭呂志云在城東濠外數步今存

宮觀

太清宮在縣東十五里始名老子廟漢延熹八年立水經注過水又北逕老子廟東廟前有二碑在南門外漢桓帝遣中官管霸祠老子命陳相邊韶撰文碑北有雙石闕甚整頓是也唐高祖武德三年從吉善行之言祖老子特起宮闕如帝者居高宗乾封元年追封太上立元皇帝建紫極宮天寶二年易紫極爲太清宋祥符七年帝躬謁祠下建太清樓廟貌益侈靖康之亂燬於土寇金元踵修具詳胡筠亭荒魯神碑記元末韓林兒盜據亳州撤紫極殿爲

偽宮嗣是屢經兵火雖修葺不廢而規模疏陋不能復初

矣今惟存正殿五楹舊傳有八楹

顏志云八株相對每二株共一名曰丹楹曰經

楹曰御楹曰昇天楹

皆老子所植又有靈溪九井諸蹟並亡門外有

鐵柱一高七尺圍尺有八寸舊志謂爲唐時舊物老子爲

柱下史或因此附會爲之俚誕可笑

漢邊韶陳國苦縣老子祠碑記老子爲周

守藏室史當幽王時山川實震以夏殷之季陰陽之事監
喻時主孔子以周靈王二十一年生問禮于老聃計其年
紀聘時已一百餘歲孔子卒後百二十九年謂周太史儋
爲老子莫知其所終其一篇之書稱天地所以能長且久
者以不自生也厥初生民遺體相續其死生之義可知也
或有谷神不死是爲玄牝之言由是世之好道者觸類而
長之以老子離合于混沌之氣與三光爲終始觀天作識
升降斗星隨日九變與時消息規矩三光四靈在旁存想
丹田六一紫房道成仙化蟻脫度世養黃來世爲聖者作
師班固以老子絕聖棄智禮爲亂首與仲尼道遠述漢書
古今人表檢以法度抑而下之與楚子西同科二者論之
殊矣所謂道不同不相爲謀也延熹八年八月甲子皇上

尊德弘道含弘廣大存神養性意在凌雲是以潛心黃軒
同符高宗夢見老子而尊祀之于是陳相邊韶典國之禮
材薄思淺不能測度至人辨是非按據書籍以爲老子
玄虛守靜樂無名守不德危高官安下位遺孔子以仁言
辟世而隱居變易名姓唯恐見知夫日以幽明爲節月以
虧盈自成損益盛衰之原倚伏禍福之門天道惡盈而好
謙蓋老子所以見隆崇于今爲時人所享祀乃其逃祿處
微損之又損口顯虛無之清寂先天地生乃守真養性獲
五福之致也敬演而銘之其詞曰於唯玄德抱虛守清樂
居下位執祿不營爲繩能直屈之可榮三川之對舒憤散
呈見機而作雲郊出期肥遁之吉辟世隱聲守一不失爲
天下平處口不薄居實舍榮楷式爲一金玉是輕絕嗜去
欲還歸于嬰浩然厯莫知其情要以無爲大人之度非凡所
退無恆錯綜其貞以知爲愚冲而不盈大人之度非凡所
許九等之敘何足累名同光日月合之五星出入丹廬上
下黃庭背棄流俗含影匿形包元神化呼吸至精世不能
原知其死生天人秩祭以昭厥靈羨彼延期勒石是旌
隋薛道衡老子碑記自太極權輿上元開闢舉天維而懸
日月橫地角而載山河一消一息之精靈上生下生之氣
候固以財成庶類享壽羣品有人民焉有君長焉至若上
皇達古夏巢冬穴靜神息智鶉居鸞飲大禮與天地同節
非析疑于俎豆大樂與天地同和豈考擊于鐘鼓逮乎失

道後德失德後仁皇王有步驟之殊民俗有淳醜之變于是
是儒墨爭驚名法並馳禮經三百不能檢其情性刑典三千
未足息其奸宄故知繫其流者澄其源直其末者正其
本源源本本其誰大造乎老君感皇載誕莫測受氣之由
指樹爲姓未詳吹律之本合靈在孕七十餘年生而白首
因以老子爲號其狀也三門雙柱表耳鼻之奇路五把十
影手足之異爰自伏羲至于周氏綿祀歷代見質變名在
文王武王之時居藏史柱史之職市朝屢易容貌不改宣
尼一觀歎龍德之難知闕尹四望識真人之將隱乃發揮
衆妙著書二篇率性歸道以無爲用其辭簡而要其旨深
而遠飛龍成卦未足比其精微獲麟筆削不能方其顯晦
用之治身則神清志靜用之治國則反朴還淳旣而鍊形
物表卷迹方外蛻裳鶴駕往來紫府金漿玉酒灑衍清都
參日月之光華與天地而終始涉其流者則攢落鬻塵得
其門者則騰驤雲霧大椿凋茂非蜉蝣之所知溟渤淺深
豈馮夷之能測盛矣哉固無德而稱也莊周云老聃死秦
佚弔之三號而出是謂遁天之刑雖復傲史之寓言抑亦
蟬蛻之微旨皇帝誕靈縱馭接統膺期照春陵之赤光發
芒山之紫氣珠衡月角天表冠于百王明鏡衢樽聖德會
於千祀周道云季多難在時九鼎共海水同飛兩日與洛
川俱闢天齊地軸之所蛇食鯨吞銅陵玉壘之區狼顧鴟
時黃起奸宄鄭阻兵禍大縱毒螫將逼函夏神謀內斷靈

武外馳應機槍而掃除仗旄鉞而斬伐共工既翦重立乾
坤蚩尤就戮更調風雨宰制同造化之功生靈荷魂魄之
賜萬方欣戴九服謳歌乃允答天人祇膺揖讓升泰壇而
禮上帝坐明堂而朝羣后昔軒轅顛頊建國不同大昊少
昊邦畿各異舜改堯都夏遷虞邑歷選前辟義存創造惜
十家之產愛兆民之力經始帝居不移天府規摹紫極仍
據皇圖下宇上棟務存卑儉石平左城聿遵制度朝夕正
殿不別起於鴛鴦升降靈臺豈更營于鳩鵲憂勞庶績矜
育蒼生念茲在茲發于寤寐棘林肺石特降皇情祝網泣
辜深存寬簡草纓知耻盡服興慚天無人牢之星地絕城
牛之氣延閣廣內考集羣典石渠璧水闡揚儒業綴五禮
于將壞正六樂于已崩總章湖志之音太師成功之頌承
華養德作貳東朝外正萬邦內宏三善兩難炳曜重日垂
明永固洪基克隆鼎祚重以維城磐石多藝多才良佐寶
臣允文允武爲王室之藩屏成神化之丹青致世俗于潤
塗納烝民于壽域旄頭垂象窮髮成形獯豨作忠其來久
矣無上算以制之用下策而難服自我開運耀德戢兵感
義懷仁稱藩請朔稽顙欵塞匭匭投掌祥柯夜郎之所靡
馮桑榆之地咸被聲教並入提封閩越句吳不愆貢職夫
餘肅慎無絕夷邸遐邇邇福文軌大同自三代之餘六維
競逐秦居閏位漢雜霸道魏氏則虐深華夏有晉則化威
成狄降斯以後粹馭不分帝迹皇風寂寥千載天命聖德

會昌神道夔億兆之視聽復三五之規模固以幽明贊協
符瑞彪炳千年靈蔡著天地以效徵三足神鳥感陽精而
表質春泉如醴出自京師秋露凝甘遍于竹葦星光若月
雲氣非烟三農應銅雀之鳴五緯叶珠囊之度信可以揚
鑿動蹕肆覲東后玉檢金繩登封岱岳而謙以自牧爲而
不宰尚寢馬卿之書未允梁松之奏在青蒲之上常若乘
奔處黃屋之下無忘夕惕雖蒼壁黃琮事天事地南正火
正屬神之禋猶恐祀典未宏秋宗虞禮永言仁里尚想元
極壽宮靈座麋鹿徙倚華蓋蜀壇風霜獨弊乃詔上開府
儀同三司亳州刺史武陵公元冉考其故迹營建祠堂皇
上往因歷試總斯藩部猶漢光司隸之所魏武兗州之地
對苦相之兩域繞渦穀之二水芝田柳路北走梁園沃野
平臯東連譙國望水置棗揆景瞻星贊玄圖以疏基橫玉
京而建宇雕楹畫拱磊砢相扶方井展瀾參差交映尊容
肅穆仙衛儼而無聲神館虛閑滴瀝瀟灑而成響清心潔行
之事存元守一之儔四方輻湊千里歸屬知如在之敬申
醮祀之禮顯仁助于王者冥福資于穆獻允所謂天大道
大雅幾者矣若夫名言頓絕幽泉之詔莫開形器不陳妙
物之功難著騰茂實飛英聲絕幽泉之詔莫開形器不陳妙
在茲乎歲次敦罪律中姑洗大隋取天下之六載也乃詔
下臣建碑作頌其詞曰悠哉振古邈矣帝先四紀維地八
柱承天叢生類聚廣谷大川至道靈運神功自然五精應

感三微相繼樹以司牧執其象契帝迹慚皇王猷謝帝上
德逾遠清風漸替時乖澹泊俗異沖和尚賢飾智懸法張
羅內修樽俎外事干戈魚驚網密烏亂弓多真人出世星
精下斗龍德在躬鶴髮垂首解紛挂銳去薄歸厚日角月
角天長地小茲五嶽隘此九州逝將高蹈超然遠遊青
牛已駕紫氣先浮元門洞啓神化潛流賴鄉舊里湖川遠
迹古往今來時移世易靈廟獨毀祠壇虛寂九井生祠雙
碑碎石惟皇受命乃神乃聖響發地鐘光垂天鏡宇宙開
朗妖氛蕩定耀魄同尊參神取正流沙蟠木鳳穴龜林異
類歸歎萬方宅心鳩贖納費王會書琛青雲干呂薰風入
琴化致鼎平家興禮讓永言柱下猶慚太上乃建清祠式
圖靈狀原隰奕壇亭阜彌望梅梁桂棟曲檻叢楹煙霞舒
卷風霧淩清仙官就位羽客來庭穰穰簡簡降福明靈至
神不測理存繫象大音希聲時振高響遐邇讚頌幽明資
仰敬刊金石永播天壤 宋歐陽修太清宮燒香詩清晨
琳闕聳螭岫弭節齋坊暫整冠玉案拜時香裊裊畫廊行
處珮珊珊壇塲夜雨蒼苔古樓殿春風碧瓦寒我是蓬萊宮
學士朝眞便合列仙官

洞霄宮在太清宮北里許祀老子母水經注云過水之側

有李母廟疑亦漢時建唐初名先天大聖后廟

考唐書本紀武后光

宅元年尊老子母爲先天太后金胡嗣改名洞霄宮金大

筠續修太清宮記譌爲高宗乾封中定二十六年燬於火明昌二年復建闢地得石琢像極莊

見胡筠碑

國朝乾隆間曾一修葺捻寇之亂悉爲劫燼羽流

吳元會復募貲新之廟貌僅具無復往者闕麗之觀像設

亦非其舊矣

唐書本紀天寶二年追尊大聖祖父周上御大夫敬爲先天大皇而祀不之及未詳何義

明道宮在東門內昇仙臺前唐名紫極宮天寶二年爲太

清壇宋眞宗祥符六年將謁太清宮賜眞源行宮名曰奉

元齋於迎禧殿朝謁禮畢復改宮名曰明道後燬於兵元

大德三年復建改名奉天明道宮 國朝康熙間知縣呂

士鷄重修築猶龍隄建坊於前額曰伊人宛在坊今無迹

宮前有碑篆書無歲月其制甚古

元李虬魯翀重修奉元明道宮記老子生殷亳

力德厭其心棲神棲真踵武徐起習馭輕裝通輔順軌載
定其趾載峨其宮煙霞洞府風雨旃幃山川會靈紫氣充
益羽翠式瞻淵宗有象邀食于地遊樂于天果蘇在園秋
穡在田聖祖神孫開此道域其富不思荷帝之力瞻彼蒼
昊有聞必先奉元明道名豈徒然太清
在東長春在北祈我皇祚永配無極

白雲庵本張氏宅在城東南隅明嘉靖時捨爲道院後室
有希夷卧像陳志云水環四面一逕幽通蘆隄柳岸點綴

四時景色游者飄然物外如在青坪蓮峯間玩味其詞蓋
城階最勝處也今則暑雨未集渴澤彌望舊有龔室三楹

軒窗西敞延攬烟水之勝者都已堦塞牛闌馬磨寢成窶

居矣國朝呂朝恆白雲庵詩傳是陳希夷于此寄高跡

秋蔦滿石牀深寒不可卽龍睡元黃初乾始疑未開暮色

向茫茫萬象空所歷箇人何時還白雲長在室段乃成
春日同社集希夷庵救捺靈跡見氤氳元默當年動帝聞
八百真傳句漏火五千悟入賴鄉雲西山處士青毛裏東

海安期白鶴羣欲向此中尋妙諦黃冠未讀鈞潭文
太室秋日泛舟至白雲庵渺渺孤舟泛夕照蒹葭霜老水
微紋擎杯醉酒荒祠
下欲向先生乞白雲

三皇廟在東門內乾隆十八年貢生張來玉倡率重修知縣許葵爲之記

四大王廟在西門護城隄外

三官廟一在縣治西南一在西門隄外

萬壽寺在縣治東南舊名觀音寺僧會司隸焉明萬厯間知縣劉一瀾改今名 國朝康熙二十五年重修

後此屢修官皆

不與聞故略之

真武廟在城內西北隅

東嶽廟在東門外

此外寺觀見於陳志許志者有衡山廟一在王皮溜集一在桑園集一在楊

湖天仙廟在北門內白衣庵在大隅首東觀音寺一在生鐵家一在

集一在秋渠集一在白馬驛福壽寺馬邱鋪西南寺有碑

一在護廟集一在賈家灘集彌陀寺檀村集北四里興福寺張家集西

七月南泉寺縣南二林寺丁村西馬村寺任興集北三里南豐寺元武集東高明寺

張莊寺在張莊店趙村寺在趙村集三教寺一在李原集崇興寺在

賈家灘一在羅漢寺南豐集北八里永安寺在護廟集吳臺寺在吳臺

黃仁寺吳臺廟西五里聖福寺縣西南十五里尖塚寺縣西北二十里金光寺王

溜集東華嚴寺一在王皮溜南温堂寺在武平城陳家堂寺汲

集東吉祥寺在試量集洪福寺一在桑園集慈聖寺汲水

四里草莊寺試量集東五里靈山寺一在黃堆店天涼寺張家集

里草莊寺試量集東五里靈山寺一在黃堆店天涼寺張家集

草橋寺

安家溜集西南八里

建福寺

汲冢集東四里

楊德寺

甯平城南五里

顯都

寺

趙村集東五里

永興寺

魏家橋東北二里

興安寺

胡岡店南五里

雙陸寺

在雙陸集

大利寺

虎頭岡北五里

梁村寺

吳臺廟集西七里

霍陽寺

吳臺廟集北六里

鳳皇

寺

竹愷店北四里

龍泉寺

竹愷店北一里

興善寺

王皮溜集東南四里

廻龍寺

小廠集正北七

里

和藥寺

李原寨集東五里

王家堂寺

在長林

清河寺

四大王廟北四里

茅庵寺

在舊鹿邑城

朱華寺

李原集東南六里

廣靈觀

城東三里許元時建明正統間

修安靜觀

汲水集西南五里元時建明正統年修

何家觀音堂

在南門內楊家巷西路南

按陳志附寺觀於祠廟之後而論著其失曰自佛老教

興世惑於幽明死生之談奔走供奉而黃冠緇衣輩又

神異其說以駭動之窮鄉僻村建置相望喜施者或至

破產蕩業是豈佛老之過哉惑於佛老者之過也鹿邑

地僅百里爲寺觀五十有四推其創建之初人人求福
田利益也今過其地有荒榛頽壁竟不知爲誰氏功德
者禮曰淫祀無福不信然歟胡穎經略廣東杖僧人以
脫愚俗狄仁傑巡撫江南奏毀吳楚淫祠一千七百所
此萬代之所瞻仰也蒞茲土者尚亦知所禁哉覺世牖
民詞意至正呂志則悉芟之其言有曰父母之居或一
茅不覆而琪院招提畫棟刻桷族黨之急或一錢不假
而黃冠緇流豐供厚養於義不可在律有禁陪揭俗弊
視陳說爲尤嚴矣許志復加采掇歸於古蹟過而存之
蓋猶是陳志之遺意今不更削聊爲考川渠者存其標

織而已

吳臺廟黑河所逕石佛寺
白河所逕并見川渠考

墳墓

周先天太后墓陳志在洞霄宮前許志在宮西四里考水經注過水之側又有李母廟廟在老子廟北廟前有李母冢冢東有碑是永興元年譙令長沙王阜所立據此似陳說較確然今宮前實無冢宮西八里有廣靈宮宮後有阜高丈許圍二十許丈巨柏環蔭土人皆呼爲李母墓傳述已久似非不根特審其方位與酈注顯齧耳

楚太子建墓在縣西北七十里安平故城西陳志云湮失呂志許志遂皆不載今訪諸里人遺壘實存非如伍員臺沼猶涉想像也

羅氏墓在縣西南四十里羅邱集高壘巋然俗呼爲羅氏

墳堆狼墓居人皆羅姓於古無徵不能定爲誰何北域也
王志誤以爲魯秋胡妻墓許志雖亦致疑而舊稱未改陳
志但目爲羅氏墓次楚太子建墓後深得存疑之義今仍
之二志皆有辯而陳說尤明采附於下以備考古者省覽
焉縣西南四十里有高冢舊名羅氏壙堆俗爲羅氏壙墓蓋本之外傳胡娶于上蔡羅氏而投蔡河死皆謠說
也按西京雜記秋胡魯人娶妻三月而游宦於陳三年休寔家其妻採桑于郊胡至郊而不識其妻也見而悅之乃
遺黃金一盤妻曰妾有夫遊宦不返幽閨獨處三年子茲
未有被辱如今日也採桑不顧胡慚而退至家問家人妻
何在曰行採桑於郊未返既還乃嚮所挑之婦夫妻並慚
妻赴沂水而死沂水在魯其墓安得至此古不載姓後世
妄知爲羅然邱壟隆起其中所藏非前代顯人
必古來節孝疑則傳疑甯敢削之而弗書歟

漢淮陽太守汲黯墓在縣西南九十里有汲冢集馬鬣猶
崇廣輿記一統志並云在陳州考縣西南境片壤斗出三

面皆界淮甯汲冢實處其中舊本隸陳亦未可知

呂志載項令張

師尹漢淮陽太守汲公神道碑公字長孺濉陽人其先有
寵於古之衛君者及公七世爲鄉大夫以父任口口爲九
卿與鄭當時齊名其學好黃老之言治尚清靜無爲弘大
體不拘小節性嚴厲孤高嘗以刀筆吏鄒折張湯而面諍
漢武獨以社稷臣見許節義阻淮南之謀吁可不謂三代
之遺直乎方其翔徊宦署拓展徽烈皆迥出時輩意足多
矣口大都闕蒞難合嫉俗抱憤逃晦邱園已數載不起會
更五銖錢民多盜鑄者而楚地尤甚上以淮陽爲楚地之
郊資印殺至再強予方拜公以守淮陽而借重臥治當時
百姓安業不擾如大厦旃幪無震風凌雨之患迄今矣
千百載而陳人猶神馳口口想見其顏色乃刻石表德
思於無窮口口世口相感者口口之墓舊在郡東三十
十五里許故其地因名汲塚云有吳氏兄弟諱志儒志士
者博學好古慷慨激烈人也丐予題其神道而復徵記
亦高山仰止之意其風教所繫又何重且遠耶

陳思王墓在縣西五十里有數冢纍纍相望舊呼爲思

冢謂是魏陳思王葬處陳志云按後漢書明帝八王傳

和二年遺詔徙封西平王羨于陳食淮陽郡是年就國立
三十七年薨諡曰敬子鈞嗣鈞立二十一年薨諡爲思王
時武平苦俱屬陳國爲食邑方知爲漢陳思王劉鈞葬處
非曹植也

尚書令虞詡墓在縣西北四十七里高一丈周八丈水經
注過水又東逕武平縣故城北城之西南七里許有漢尚
書令虞詡碑碑題云虞君之碑今碑已佚墓東南五里爲
邱集有碑曰虞公故里

唐隴西夫人墓陳志云夫人唐宗女高祖蔡王曾祖銀青
勳祿大夫祖舉進士初授真源令父遷真源丞皆缺名夫
河東裴庀夫人同庀隨父任於此後庀歸省久不至夫人

以疾卒年二十二殯于城內東南隅之原時穆宗長慶四年也明崇禎十三年爲修城者所發邑人楊六德張皋漢張太室見誌石惻然傷之收殘骸斂以瓦棺改葬城東隄內黑龍潭之東南六德復爲誌併舊石同藏焉

宋處士張仁甫墓在南郭外古柏森森參天蔽日蓋元時物也據張氏家譜云南宋末自湖南湘潭遷鹿邑迨今二十三世族姓蕃衍幾遍一邑攬眺嘉蔭真故家之喬木矣金女鍊師奧敦妙善墓在洞霄宮西里許明嘉靖二十五年大雨墓崩露石棺鄉耆完得水修封之陳志目爲先天太后墓卽此

墓崩祇一事而許志古蹟則屬之先天太后軼事則屬之女鍊師古蹟蓋踵陳志之譌

國朝乾隆間知縣許莪加封樹禁樵采今馬鬣復頽耕

犁周逼石棺全見前和一穿大如甕口瓦礫填塞遺蛻塵
滓矣棺南十餘步有女鍊師道行記碑尚存

明主事張楫墓在城南隄外百步

以下皆見許志

長史李崇墓在城外東南一里

侍御田福墓在縣東南一里

經歷王智墓在縣西北十里

閻爵墓在城外西南一里

解元張表墓在城西一里

給事中王堯日墓在縣東南一里

郎中王敬墓在縣西南四十里虎頭岡南

參政閻夢夔墓在縣北四里過水之陽

中丞崔源之墓在縣西南九十里

主事崔泌之墓在縣西南九十里

烈女楊桃兒墓在縣西南四十里

田思賢妻張氏墓在縣南十五里

顧崇霄妻孫氏墓在縣西南三十里

貞女軒春節墓在縣西北二里

孫尚妻郭氏墓在縣西北二里

國朝郎中谷明登墓在縣西南十八里

李孝女墓在縣城北門隄外一里

許莢李三姬墓銘出鹿邑城北門一里許有三

姬墓焉封而不樹其形若斧每風雨則燐火熒熒時聞鳴
明土人以爲三姬之靈爽也三姬爲鹿之孤柳樹人父麒
生康熙二十二年死于仇仇知麒生之無子謂必不能報
三姬聞父死則痛哭謂其母張曰女子子即男子子也兒

誓不與賊共戴天乃陰挾匕首將伺諸道而刺之不得遇
則又曰非計也父命斃于仇文命將復斃于仇耶于是刺
血書字而訟于官仇自知其罪將賂以買直逾年而訟不
決則走京師擊登聞鼓直鼓音聞于天子天子憐其
志下其事于豫之大吏命覆鞫乃擬仇以殺人者死律制
曰可獄既成而仇之父俱瘐死獄中女聞之跪于父墓
之前而哭曰仇雖死終不得肆諸市朝兒之飲恨猶未伸
也則爲母張擇繼子聘婦以奉父祀母張卒女遂自縊死
年三十有四至乾隆三年學使者始以其事請諸朝得
旌其墓余之官之次年過孝女之墓而悲之爰立石以紀
其事孝女之仇爲誰李璣李兆龍父子也復爲之銘曰父
死兒不死將尋諸仇也母死兒亦死窮見諸幽也兒得從
父母于九京兒又何求 胡處鈞孝烈李三姐私謚議女
純乎孝者也非當以烈名蓋本孝以威烈惟烈乃愈足以
見孝也向使女旣復仇之後卽適人以安室家亦未始不
合于中庸之道然父旣歿而父之事未終葬其父固女事
也其王父母猶未歸于泉壤度父母之心必不能安于九
京卽女之心所不能不引爲己憂者也且父歿而母復無
依以衰老貧病之軀復無弟姪僮僕之養能保其不爲溝
中之瘠乎嫁則從夫儻旣適人而猶欲奉母以終其天年
恐有不得自由者矣况其爲父立嗣也實欲以續其久遠
之血食而兩人俱弱在襁褓豈可旣收之而復棄之而委

而聽其自爲哉至于葬母之後兩弟亦各十餘齡田園悉以委之後事悉以託之女之于父母固已無毫髮之不竭其力矣或曰是真可以無死矣女復深自惟念以爲吾處女而跋涉數千里之外出入官衙驛舍之中厭絕行露當其時勿違恤也由今思之其能無怒然于懷耶昔程嬰不死下宮之難卒立趙孤以復趙仇其功至偉可以無死矣而必欲下報宣孟以告其成事女之心亦急欲見其父于九京而告以復仇之本末且以明己身之庶幾無虧也生死之際固其未嘗介意者也世不原其始終察其隱微猶以女果毅激烈高于中庸之道而謂爲其賢智之過者也

是烏足以表斯人之志也哉 睢州田蘭芳李孝女傳

李孝女者鹿邑孤柳樹人父麒生母某氏無子有女四人而孝女次居第三李氏族故大多相睦毗鄰生與挺九及礎隙尤深往往於衆中露相報意二人間之頗自危挺九於是喉礎曰若與麒生有殺姊讐怨刺骨非可杯酒語言解也不早爲計終當死彼手盍先之彼無子訟必弗成卽成我當脫汝死礎心然其言謀遂合礎迹麒生將於某日出梓以入拳梧交下脅拆顛碎然後棄之去女聞不遑往省輒操刈麥鎌奔警門門閉踰垣入閭室已避他所獨子婦未及行迎斷其頸淋漓橫血中謂已死乃趨廟視父氣才屬耳昇歸父微作聲曰讐所以敢殺我者以無子報讐

耳尚何言哉連呼天天而絕女既痛父死非其命且傷父
言曰女獨非子誓不與賊共戴天也報讐之志遂決訟之
官主是者乃以好語給女母至其家則引而歸之別室遂
代爲願息之辭借鈞金俱入獄遂變女覺跳去求其舅與
外大母導己自府以上遍以狀告身遂留會城不敢歸院
屬是獄於開封府同知使治之方攝諸囚未至而挺九已
先橐金豫爲殺人者地矣知治獄者不可動乃就女陽出
相憐語以餽之徐以八十金進日肯息此獄解仍當以百
兩繼之使母不至累死而且得養是亦一孝也女曰訟固
可已然所謂繼者空言無憑慮負我翁誠誓神則決耳從
之爲神位置香楮頭戒其舅扁從者於外女熱香俾挺九
酌酒甫及一拜女遽前扼其吭以口齧而盡壞疾呼其役
人求救以戶扇不得入女以右手抽佩刀以左扼之力少
緩因得逸去交訟於官官置女謂瞞獄爲真會逮囚至庭
鞫之情得竟當礎以打人身死律餘以輕重定罪遞笞之
上院院以爲尤釋餘人待報而禁礎俟決礎聞之自縊而
死兆龍行至祀創重亦死案竟結女謂礎死不於市而元
惡猶漏網報讐之謂何死有餘責矣欲叫閭而慮無助弗
濟也知父死友子郭岩與所親郭維振有義俠名往求焉
二郭慨然任之遂行舅與大母仍左右之至京師投牒諸
法司皆卻弗視欲詣登聞院則逆拒使不得前女計窮乃
徒跣被髮詣鼓所搏頸陳冤且訴且號沐血庭階吏卒皆

爲飲泣直鼓者奇其志哀其情準送河南詳鞠之事既下
諸當路大憲案經司署則曰一命二抵法如是止耳蓋
不止固當重坐且二郭何爲者也疑有大姦乃行縣名捕
屬歸德府嚴訊之歸守拷掠二郭無完膚終以女辭切不
能讎但以咬訟擬二郭仍依原招報罷而維振竟死女因
發狂終日語喃喃不休雖雜亂非一而殺賊二字十九在
口一旦疾言曰吾今得與賊對獄矣因仆地救之不醒凡
九日不言亦不食以體微溫不忍殮家人環視之忽蹶然
而起曰罪人斯得吾事畢矣神色一如平時衆競叩其故
不答頃之有人自外來曰某甲中惡尋死矣則彼讐也乃
發喪成服以禮葬其父而養母久之有來爲女議婚者女
泣曰父死非命理不忍生所以不卽死者讐未復也今復
苟活以母在耳尸居餘息顧可念及婚姻會須一死以報
罔極此語不敢聞也自是晝則侍膳母前既難必請父墓
所負土築墳夜則張燈紡紉或至達旦復擇里黨諸婦姥
謹厚者衣食之與共出入寢處女自出訟日卽購利刃佩
之衣襪皆百結謂讐意不可測倘變起倉卒則持刃殺賊
不則自戕終不使得以有加其防身之局如此他諸細事
亦無不秩然各當條理計永守墳墓非身所得常任爾族
屬中又不敢以爲託則爲母權養二螟蛉一適五齡少者
僅三歲皆爲聘婦康熙三十七年八月母卒女一適而絕
既蘇收淚治葬具且爲弟納室爲妹理嫁收葬訖假歸焉

名遍酬素有恩者先祭郭維振墓爲樹碑以表其德然後
次第遍及其餘私語其弟曰人命難常保卽我不幸宗老
燁義兄岩可依也汝人田三十畝差徭既易辦勤力其中
亦可不慮衣食惟不忘父母墳墓則人將敬愛之羣思助
汝矣二人亦不辨爲何等語但領之而已是夜女遂自盡
含殮之具皆所豫治也遠近聞之爭往瞻拜墳巷唱衢凡
數月不絕讐之嗣子乘亂闖入殯次被棺戕其屍時殮已
經旬血乃汪汪湧不止以視化碧逆流正可相方而譬子
亡命捕之至今猶未得焉或曰天道之謂何或曰固天道
也後嗣起之日女刃卽刺婦人之胸則報父之事已畢是
特祿福之龐娥類訟而直亦不過免父之纒禁女必使之
幾成而墜屢厄羣醜以極其茹荼銜恤任勞任謗之險危
如崑山之玉經烈火而色不改卒之父讐雪母養終然後
徐以一死償十五年濡忍之宿痛不幾與曹難父溺之日
節沈身以殉擁屍共出無分先後也哉然人得一節而兼
衆善且慮患別嫌舍生取義皆古烈丈夫之所難女允蹈
之故身死而公卿以及士庶無不歎頌欽仰卽至無知之
物亦爭呈靈效異天且忍致之至慘之途以彰其奇不當
與虞舜之福應同類而並觀也耶書曰至誠感神易日中
孚豚魚吉惟孝之切故誠之至至誠無息將於咸內歌舞
徵之矣嗚呼懿哉論曰女方訟父寃時余適遇之中途見
其容泐然以怒情然以悲謂亦在患之常耳孰知其仁義

極於性生如是哉迄今二十年女德焜耀天壤余將與向
之道旁觀者同就萎翳焉可歎也 邑人牛同豹李孝女
傳李孝女者河南鹿邑人也父麒生母張氏麒生爲人疏
狂自喜好與邑中豪士遊與其族李礎有隙爲所殺先是
礎有德於麒生麒生不報又發其陰私礎以是心銜之一
日麒生出他適過一古廟前礎伺之與其子兆龍窘而殺
之麒生無子有四女而孝女次居三至今之愛孝女者猶
稱之曰李三姐云孝女而端嚴不事粉黛父死時年十七
聞變攜刈禾鎌憑溪奔視父已死疾去入仇家仇皆避匿
乃歸語其母曰吾父無子吾姊妹皆孱弱吾不與此賊共
戴天矣於是倩人守其父塚而請其舅氏奉母詣縣而訟
之且別購利刃佩之以示必殺仇無阻也礎家故饒力能
役使族衆女慮縣之緝照而不虛己也使舅氏偵之其族
李挺九實與殺父謀去投礎於府又請省寓鼓樓街旅邸遍
以牒投諸上憲挺九聞孝女之訟已也恐使人謂女曰礎
實殺汝父何與彼事訟之無益不與之理彼且願納百
金以資汝養女伴許之而律其人語挺九必攜金以來且
與誓諸神挺九懷金至女寓入戶而右西面立孝女戶左
東面立爲神位具香楮女燃香令挺九酌酒甫一拜女遽
前援佩刀勤之中其左臂挺九驚起孝女逐之至鼓樓下
罵不絕口當是時添聚而觀者數千百人無不爲孝女怨

恨者由是李三姐名滿中州而挺九乃益與礎合凡可自
爲以爲礎父子地者悉致力焉以故獄累年不決其後諸
上憲不復親理屬於開封府同知治之挺九不從謀殺之
利而擬殺以抵杖兆龍而釋之惟是礎自縊死兆龍劍重
亦死麟生之外兄弟郭維振聞之喟然曰嗟乎哉其如此
女何哉蓋歎女仇之不死於市而悲女志之未有以伸也
維振故豪士與麟生故人之子郭岩並以信義自許雅與
麟生相親善孝女訟爲致力而不得挺九既脫孝女欲詣
闕訟冤而懼不能自達也乃謁維振與之謀會岩亦在維
振所乃合辭言日子誠有志吾當從舅奉外大母以與汝
偕行耳又何疑焉乃東裝遂發抵京師凡數日遍投牒於
諸法司法司皆卻弗視維振歎曰嗟乎哉錢能通神有如
是哉一日偶逢一法司出女攀轅鳴冤不顧情極謾罵左
右欲鞭之法司但令揮去之終亦不顧最後女乃被髮徒
跣懷其牒以刀承頸詣法司闔者哀其志自諸法司爲之
請仍下其事使河南詳鞠之諸達官已飫聞二郭名乃自
京師械係以至所過州縣必下之獄時值嚴冬獄卒往往
藉諸地而枕以冰二子寒欲死而益自激昂不作乞哀之
聲既至汴諸憲皆欲寘之死屬歸德府嚴訊之歸守拷掠
二郭無完膚終不屈仍以原招報罷而維振竟死孝女歸
而發狂一日忽自仆臥牀褥不知人事凡九日忽甦起日
吾仇死矣吾仇死矣是時挺九適病死乃發喪成服以禮

葬父而奉養其母又八年而母死孝女所以經紀其家事者甚詳而有法自以家世素貧既與族之強有力者爲仇不能得同姓之子後其父於其父死時囑人求窆人子之酷樸者二人與母撫之以爲異日省視望域計及母在日皆爲婚聘惟女終不自以爲能快復仇志也奉母之外無美容八年內母不請人爲女擇配人亦無敢議婚者則母子相知爲深而其不忍奪女之志有非世俗之所能知者矣女治喪事葬畢乃買石爲維振樹碑以表德通諸親執之有禮者乃自盡時康熙三十七年女年三十一四方聞之皆爲流涕賻弔盈門乾隆丙辰河南學使張公以歲試至歸德公崇尚節義郡屬之以節孝聞者無虛日於是鹿邑人十以孝女行實聞於公郡屬之士聞聲而附者雲集日此非一邑之所得私也乃合辭以請公嗟歎久之卽爲力請於朝越明年旌表之命下廟祀之禮成仇之後嗣百端阻之不能得於是距女之死蓋三十有餘年矣吾聞孝女之初死也中州士大夫與一時賢人君子以詩文哀誄之者不可勝紀吾邑已易令邑中士人以孝女之行迹彰彰者聞於縣縣令爲之詳請藩撫憲聞其事於朝猶以部議不協而止乃遲之又久而後發發而不可復拚者益以驗斯人之心同理同而孝女之精英有與河嶽日星同其不敝者固應歷久而彌新也張公不自以爲德郡屬之士可知矣張公諱考字爾微山西夏縣人癸卯科

進士論曰麟生放蕩不羈好暴人之短殘殺之難遇不可謂非自致之戒也惟孝女節不共之義而當此則孝女至人人與孝女有同仇之思而歎麟生之爲冤此則孝女至性純篤實有以起夫人秉懿之好掩麟生之失而不詳也彼挺九者初非有積怨深怒於麟生也特以私厚於禮欲薄其罪辱於孝女而無所洩其憤乃遂與礎台謀一其心力以禦孝女亦勢之所激也然孝女以天性之愛圓仇礎者以仇挺九不爲過挺九以始念之不善而與礎爲徒則不善反者也及其事過境遷必有內悔於心而遁死無從者吾於挺九之死知之也世之傳孝女事者其死狀吾謂願生維振之遊魂非能殺挺九之屍爲實有不得於心者於其將死之日氣餒志索而爲此態也使其子若孫懲已事之失化忌嫉之私推夫同宗共祖之變於合郡之士表揚孝女之日首爲倡和發潛德而昭幽光則挺九之失德庶從末議而繼述之善未必非挺九所望於後之人也惜其智不及此又從而詆毀之阻抑之祇益甚好事者之譏笑而爲有識君子之所憐憫耳於孝女何損焉吾獨惜夫二郭之事有合於君子之道而爲掄揚所不及雖當時名士如田贊山者爲孝女作傳於二郭禮奠焉何也夫二郭仁孝之士非特任俠之流若奇負氣者也何者麟生被殺之故其知之矣使李礎父子死而孝女無北行之志二子未必以身先之也孝女之仇挺九不深即令

二子得聞有可以加諸挺九者亦未必剗刃於其膚也乃
左右周旋至於被極刑而不屈凡以感於孝女之精誠專
一而不能自己者也當是時豈無陷之以厚利怵之以重
禍者而二子不奪假手於官以洩其憤而維振死而不以
爲悔岩僅免而不以爲喜其心則孝女之心也夫事之關
於綱常倫理者何必其在國家郭二郭諸雖與孝女並垂
不朽可也嗚呼天下豈有無父之人哉胡天游孝女李
三姐詩大海何漫漫千年不能移太山自言高精衛街石
飛朝見精衛飛暮見精衛飛吐血填作壙一旦成路蹊豈
惟成路蹊崔魏復崔魏女而潔如玉女身濯如脂十四頰
有餘十五十六時婀娜環春風明月初徘徊門中姊與姑
鄰舍雜姥媿人笑女無聲人懼女長髮昔昔重昔昔被痛
不得治有似食大鯁禍喉連脅臍阿母喚不濟步出中閭
閭女身亦非狂女心亦非癡向母問阿翁阿翁誰所屍昨
者門前望裂眼甯忍窺爺伏意姪姪走馬東西街我有白
楊刃鋏作雙虹蛻磨我削葵刀三寸久在懷一心願與伏
血肉相齧藉仇人何陸梁扶隊健如犴前者爲饑狼後者
爲怒豺小爵抵黃鷄徒恐哺作糜大聲呼縣官縣官正聲
堂宛轉太守府再三中丞司堂皇信威嚴隸卒森柴崖安
知座中間一一梗與泥何由腐地骨鬼笑回牙欲孤小不
試事間人說京師京師多貴官列坐省與臺頭上鐵柱冠
爲鷹當宵棲鷹角獄獄多望能矜哀局我頭上髮縫我

當窮衣手中何所將血帛斑斑縹緲帛上何所書繁霜慘淡
埋細軀試艱難要當自防支女弱無所憐請母毋拳持今
便辭母去出門去如遺是月仲冬節殺氣爭驕排層冰塞
黃河急霰穿矛錐大風簸天翻行人色成灰夜黑不見掌
深林抱枯枝三更叫鸚鵡四更嗅狐狸五更道上行躑躅
增羸飢舉頭望長安盤盞鳳凰下著十二門通洞縱橫
開持我帛上書誓我囊中袿跪伏御史府廷尉三重堦尚
書更峩峩峩峩唱瑞歸頭上鐵柱冠獬廌當曾棲獬廌即
無角豈與羣羊齊李氏倚柱嘯白日揭精輝結怨彌中宵
中宵感辛悲有地何搏搏有天何垂垂高城不爲崩高陵
不爲地爲遺以府來明府來何遲長跪向明府淚落江東
馳女今千里還女憂終身羅女誠不放給願官無見疑父
冤信沈沈沈沈沈痛無期一日但能爾井底生朝曦死父地
下笑生仇市中判顧此弱賤軀甘從釜羹炊語終難成聲
聲如繫庖廩明府大嗟歎歎歎歎歎歎歎歎歎歎歎歎歎歎歎
非淵洞嶄嶄嶄嶄嶄嶄嶄嶄嶄嶄嶄嶄嶄嶄嶄嶄嶄嶄嶄嶄嶄嶄
知爺伏意妍妍妍舉家忽驚摧勢似宿疹發驟劇無由醫同
惜惡少年驅至如連鷄銀鑄印飯頭畢命填牢陞有馬空
馬鞍承別街西趙叩頭謝門府弱骨難相貽昔爲我乳兒
今第箭還鞞遙遙望我里我屋荒蕪萊寡母倚門啼啼於
絕采妻女去母嘆柏啖柏啖今成飴雖則今成飴母悲轉難
裁女顏昔如玉女髮何禰禰女口含朱丹女手垂春荑哭

泣親塵沙面目餘癥剗宛宛閨中存薰瘖疑病罷姑姊看
女來替并不及施鄰姥看女來左右相呼攜各各自流涕
一尺紛漣瀉鄰母少別去媿媿從容來三請得見女殷勤
致言辭公子縣南居端正無匹儕金銀別兩廂織紵不勝
披身當作官人華榮灼房幃願欲得賢女賢女勝姜姬同
面答媒媪身實寒日微無弟無長兄老母心偎依所願事
力作認指縫裙鞵安得隨他人乖違母恩慈母年風中燈
女命霜中葵須臾母大病死父相尋追棺槨安當中起墳
遂成堆一一營事訖姑姊可前來爲我喚長老長老升當
階爲我召鄉鄰鄉鄰麋如團十歲隨爺娘幼小惟瘦孩十
五銜沈寃濯鼻承煎醢二十行報仇報仇苦且危三年走
大梁趙北燕南陸女行本無伴女止亦有規皎皎月光明
不墮濁水涓斑斑錦翼兒耿死安能翳長老得未信鄉鄰
莫休猜自此旋八房重闔雙扉朱繩八九尺掛向梁間
顏鮮鮮桂華樹華好葉何奇葦蕤揚芳馨生在空中山巖烈
火燒昆岡三日燄未哀大石屋言言小石當連葦蕭芝泣
蕙草萬族合一煤燒出白玉姿皎雪皚皚玉以爲女墳
將桂墳上栽夜有大星辰其光何離離錯落桂樹間爲照
女容嶽桂枝上摩天下根深深深基中央纏北風聲出商陵
吹吹爲行人聽千載長凄凄

按許志軼事載有竹愷將軍墓云不知何代人墓在竹

愷店南一里雍正時耕者於側取土土忽陷露洞門中
若窟室寒氣襲人不可逼視里人競然炬入若有人坐
踞石牀舉火燭之實無後復有洞門火近輒滅寒風颯
然毛髮森豎衆懼而出聞於官加封禁焉又云邑中無
竹姓店南三十里有竹家莊隸安徽太和境聚族而居
凡數十家力田爲業詢以竹愷將軍皆茫然不知所云
夫一荒壘耳而能舉其姓字官爵且因以名村聚俗口
流播必非無因豈舊有墓碑後乃失之邪事以類從故
徙附焉

光緒鹿邑縣志卷五終

光緒鹿邑縣志卷六上

民賦一

賦役之制列史具詳大都失之樊殺至勝國乃有綱銀一串鈴一條鞭諸法條鞭簡易於民尤便然其時涸派花派之弊仍未嘗絕至於加賦充餉啟禎之際益煩騷矣我

朝恩澤汪濊戶多免賦之丁野無增稅之地偏災有緩

大慶有蠲惠卹氓庶惟恐弗至民生斯世豈非厚幸今綜

官牘詳考見行之制標舉大綱條其入出

舊志異者附注

以見

國家取民有制制用有經而窳下之土農鮮蓋藏猶能先疇勤服耕鑿熙熙者實繇薄賦輕徭有以豢其業處云作

民賦考

丁戶

凡民賦之制有丁有地丁謂之戶則分別出賦謂之下銀
卽漢之算錢也舊制玉年一編審康熙五十二年

聖祖詔以康熙五十年編審爲定額以後曰 盛世滋生

人丁永不加賦雍正四年奉文丁隨地納

取一邑丁銀均派於一邑地糧

之內不論民衛紳衿富戶不分等則一例輸將

於是粟米力役合爲一科故章氏

清河志於戶口丁役皆不詳今考許志所載存額人丁三

萬二千八百六十五丁逾額五千五百七十五丁內除新

舊滋生戶口人丁永不加賦外見在徵賦人丁三萬二千

八百六十五丁此乾隆十八年徵賦丁數宜卽康熙五十

年編審定額之數而據光緒十八年賦役全書冊稿存額

人丁三萬一千一百六十三丁逾額人丁六千五百一十

六丁內有乾隆三十六年新收滋生人丁一百七十丁內除滋生人丁一千七百

五十丁永不加賦外見在徵賦人丁三萬五千九百五十

四丁其數不符雖欲詳之亦不可得也又收併睢陽衛原無

歸併人丁舊管併增出人丁一十八丁乾隆三十六年編審舊

管滋生人丁七十四丁新收二十丁共一百一十二丁除

新舊滋生九十四丁不加賦外見在徵賦人丁一十八丁

許志不詳今採賦役全書冊稿增入合前都計三萬五千

九百七十二丁每丁徵銀三分共徵銀一千七十九兩一

錢六分

田賦

許志載見在行糧里衛屯墾地都計一萬三千八百三十六頃一十四畝有奇額徵正賦銀四萬三千五百五十兩四錢四分有奇今考光緒十八年賦役全書冊稿及二十年奏銷冊稿與志互有參差舊牘無存鉤稽非易詢諸老吏亦云不知全書稿及奏銷冊爲見行事例用摭大端備

列如左

敘列皆本奏銷冊

原額地八千三十六頃六十三畝七分

與許志合

內上地

卽許志所

謂一等沙淤地

五千三百一十八頃二十八畝七分寄莊五十八

頃八十二畝五分正供雜辦

按許志云正糧每畝一分二釐二毫四絲五忽有奇其餘

皆差也並加增九釐銀

此款始於明萬曆時

每畝應徵銀三分八釐三

也

絲三忽三微一纖三沙四塵二埃一渺八漠

閏月加派七毫三絲二忽

七微下地卽詩志所謂二千五百四十四頃三十一畝七

分五釐寄莊一百一十五頃二十畝七分五釐正供雜辦

並加增九釐銀每畝應徵三分三絲三忽三微一纖二沙

九塵二埃二渺閏月加徵銀五毫七絲二忽六微共徵銀二萬八

千六百五十三兩四錢五分七釐八毫六絲七忽八微一

纖一沙八塵一埃五渺有閏共徵二萬九千一百九十九兩七錢七分四釐二毫七忽八微

一纖一沙八塵一埃五渺
○別有補徵等項詳後

康熙八年四月新收更名原額大地此卽詩志所謂福藩

下廠一千二百五頃一十畝六釐七毫坐落王皮溜又七百五

十一頃七十七畝此卽詩志所謂福藩贖田一等沙淤上

二分三釐三毫常州代徵今退還地六百三十
五頃六十四畝七分六釐七毫坐落安家溜 並照民地

上則起科

無補徵等項

共徵銀七千五百二十兩九錢二釐

有

共徵銀七千六百六十兩二錢九分九釐

又收杞縣代徵桑園廠更名地六十頃七十三畝二分

民

六百步爲一畝更舊地二百四十步爲一畝此照民田折算起科尚虧舊額仍照舊例

每畝應徵銀

四分四釐八毫一絲二忽九微四纖七沙六塵五埃六渺

九漠

加開同前無補徵等項

共徵銀二百七十一兩六錢三分八釐

存開共徵銀二百七十五兩六錢三分五釐七毫。許志云園廠居鹿之西北舊係出縣田賦四面皆鹿而中有祀地所謂炭田者祀地素稱沃壤故糧重於他邑今歸本邑徵收

又收汝甯府代徵原額更名地

此卽崇濟贍田

九百二十五頃比

照民田上則起科

無補徵等項

共徵銀三千五百五十五兩八

分二釐

有開共徵銀三千六百二十二兩八錢六分三釐六毫四絲

分二釐

有開共徵銀三千六百二十二兩八錢六分三釐六毫四絲

又收栢城縣代徵汝甯府更名地一百三十一頃三十畝

五分八釐七毫九絲九忽四微

許志云坐落栢鹿之間全書稿云原坐落栢城縣皆

非是說

詳後 向赴汝甯府納糧康熙三十八年奉文歸併鹿邑

徵解視栢城縣民田則例每畝派銀五分四釐

此本許志考栢城縣

志民田一則每畝連閭派銀五分六釐三毫五絲三忽零

其徵銀七百一十六兩一錢

八分八釐

原七百三十六兩有奇康熙十七年府勘減去二十兩

有閩復加徵銀二

十三兩七錢六分五毫

許氏云按汝甯府崇王贍田一區在鹿境者四百頃名曰李原廠係

下則每畝三分八釐行糧共銀一千三百三十餘兩在栢

境者三百七十一頃名曰西廠係上則每畝五分四釐行

糧共銀二千二十餘兩雨廠截然不亂自國朝順治元

年至康熙七年雨廠各照原額赴汝甯完納嗣于康熙八

年廠糧歸縣徵收西廠歇原缺之地理宜均攤通汝甯

書吏於縣册內將西廠應徵銀數減去七百一十六兩飛

撒于鹿邑李原廠四百頃內凡李原廠有地一畝者除完

本縣條銀三分八釐又代西廠完銀一分八釐名曰鹿撥
拓此一地二糧所由來也康熙三十七年柘民又捏爲鹿
墾柘荒宜代柘完糧請府詳司改鹿撥柘之名爲代徵此
代徵所由來也鹿邑屢年爭訟格於成議不行李原棗子
同爲崇厥之地而李原獨受二糧之累○附乾隆元年知
縣李林詳稿略曰遵查卑縣廠地係前明成化二年開其
園鹿柘境民地七百七十一頃爲汝甯府崇王贍田彼時
上下則例原白不同鹿邑地名爲鹿邑莊原額四百頃係
下地則例二畝折一畝遵照每畝三分八釐納輸柘城地
名爲柘城莊原額三百七十一頃係上地則例遵照每畝
五分四釐零納輸兩莊乃兩縣民地撥出各糧因不待言
完賦中立界石五座疆畫井然前代各完各糧因不待言
及我朝立定鼎之初順治三年此地名爲廢藩鹿邑莊
改爲李原廠柘城莊改爲西廠仍原額各赴汝甯府完
納亦無紊亂于康熙八年間凡廢藩地地歸縣徵收鹿
邑收汝甯府廢藩地共九百二十五頃內有鹿邑地五
百二十五頃外李原廠地四百二十五頃內有鹿邑地五
糧銀一千五百餘兩是皆一定額賦由來已久自順治元
年直至康熙七年亦無增減各完各糧有賦後全書可憑
證祇以鹿邑柘城地界接壤有柘廠書手孫士哲商同汝
甯府經承年印乘歸併之際將府發柘城西廠額地三
百七十一頃所徵糧冊除七百三十六兩撥派李原廠四

百頃之中前府未察各縣科則不一以爲兩厥一家不宜
有異除本縣按則每畝三分八釐之外又憑空加增銀一
分八釐移解拓城名爲鹿撥拓糧康熙八年開鹿邑縣貢
生楊六行等以飛派懸糧等情具控各憲蒙批歸汝兩府
會審駁查三載未經更正于十二年開士民李之鉢等以
一地二糧赴前撫憲佟呈控蒙批布政司弔取汝甯府原
納花戶冊籍從公確查轉批前府嚴查未經審問詳覆于
十七年開厥民劉一董等以急救重糧具控撫憲董亦批
本府查勘將鹿撥拓銀減去二十兩仍存七百一十六兩
令卑縣徵收移解拓城于三十二年開厥民姚景新等以
意結案究未更正于三十七年開劉養順等以一地二糧
等情具控撫憲李蒙批鹿拓兩厥屢結屢控仰布政司事
須徹底清查俾里民得安其業司轉批前府兩縣會審詳
稱鹿民開墾拓地一百三十餘頃應代拓城完糧將劉養
願押取甘結銷案遂改代徵名目逕行解司有自來矣既
無尺寸地畝憑空飛派懸累鹿民所以不肯甘心迄今乾
隆元年奉文清查地畝虛實以致厥民孔興澤等旋復疊
控卑縣以及憲案卑職查看得地土疆域錢糧科則自分
圻定域之後千古不移非奉王制不敢損益內有部案可
稽外有全書可考每年徵解錢糧額數以及奏銷文冊由
縣申府轉司呈院達部原有一定章程絲毫不容增減至

于地畝荒熟折算弓口賦役科則各處俱有輕重長短多寡之不齊即卑職一邑之內有二畝折算一畝亦有四畝

折算一畝行糧不等自開墾呈報即為準繩惟有各循成憲遵行不得任意更變也其前明分撥藩田乃年遠人湮

難于稽考姑置勿論自順治初年至康熙七年業經徵解

二十五載不為不久若有隱情拓民豈肯緘默不言直待

歸併更改時耶即拓地糧重亦屬於拓境界內侵隱處查之

始與鹿無涉若拓地不足亦當於拓境界內侵隱處查之不

應累及鄰封鹿墾地拓地此疆彼界事屬風中

牛馬夫何汝郡當鹿拓歸併各縣之時不論地土肥磽不

論科則高下以拓邑糧重鹿邑糧輕一例撒平名為公道

殊不知瘠地糧輕亦重肥地糧重亦輕有不可一視者况

以此地之糧減數加于彼地在本縣且不可而况以此縣

之糧患其過重減糧加于他縣之田獨可乎以李代桃將

甲作乙夫誰甘之此鹿邑所以數十年來總未歸併大糧

而百姓必于本糧完後至秋末冬初待官另出開徵告示

始完代徵之項而火耗大糧每兩加一五者此項每兩只

加二分五釐以示不同此一現奉清查地糧虛實千載

業一時正鹿民覆盆得雪之日似應歸還趙壁銷除重徵以

廣一時正鹿民覆盆得雪之日似應歸還趙壁銷除重徵以

為轉請題豁或會拓邑于本廠自行清理鹿邑歸原額徵

收則萬民頂感
恩于生生世世矣

按此地許志與賦役全書稿皆載有頃畝之數實虛籍也李原厥地見仍秭四百頃未嘗增闢纖毫且野無曠土亦實無可增闢如柘人言鹿墾柘荒所謂荒者竟安在乎強爲之辭則曰隱匿夫此一百三十餘頃之地人墾數十畝私其利者亦不過數百戶耳而七百十數兩之糧銀則實派之一厥厥地廣袤兼有十伍戶且數千乃甘聽數百戶之隱利自私而羣蒙其害了無違言民情卽原未必至此蚩蚩者氓與柘人訟屢不得申官斯土者亦無術以甦其困無已姑爲之緩追呼

鹿邑徵收無下忙惟

此款須至十
月始開徵
蠲雜派
免公伍雜派事在
嘉慶開闢有碑

終且額徵之數

亦不復取盈焉

始平收平兌繼令輸納五分豈市譽於

民良以無地之徵不能督以鞭朴也許志附說雖明嫌

猶未盡茲爲詳究虛籍來者參互觀之可以無疑眩已

又雍正八年首報額外更名地五十一畝一分一釐

無補徵等

項共徵銀一兩九錢六分四釐

有閏共徵銀二兩一釐八毫

原有額外荒地二十二畝則例視上地

無補徵等項

共徵銀八

錢五分三釐

逢閏共徵銀八錢六分九釐五毫

又雍正八年首報額外上地六十二畝下地四十四畝照

則起徵

無補徵等項

共徵銀三兩七錢六分

有閏共徵銀三兩八錢二分九釐五

毫

又乾隆四年收雕州寄莊地七頃六十八畝二分四釐九

毫共徵銀四十六兩一錢八分九釐九毫有閩共徵銀四十七兩二錢二分

分九毫陳留寄莊地七十八畝九分四釐共徵銀四兩四錢

九分二釐一毫有閩共徵銀四兩五錢七分六釐一毫杞縣寄莊地五頃九

十畝三分二釐五毫共徵銀二十六兩四錢三釐六毫有閩

共徵銀二十六兩七錢九分二釐二毫以上三者皆別有補徵銀

又雍正十三年額外老荒更名折成實在行糧地三畝九

分九釐七毫三絲無補徵等項共徵銀一錢五分四釐有閩共徵銀一

錢五分六釐六毫

順治十六年正月收併睢陽衛原額屯地七頃二十七畝

二分比照民田折算起科仍虧舊額民地六百步為一畝衛地畝二百四十四步

仍照舊例內二頃七十二畝二分每畝均派銀三分五釐

七著屯邑縣志卷六上民賦

一毫一絲二忽三微八纖八沙又一頃三十四畝爲餘屯

地每畝均派銀四分四釐一毫一絲二忽三微八纖八沙

又三頃二十一畝爲徭役地每畝均派銀三分三釐二毫

一絲二忽三微八纖八沙

遇閏不增亦無補徵等款

共徵銀二十六兩

一錢二分九釐八毫二絲

又康熙十五年收併武平衛屯地七百七十九頃

原額屯地七百

七十五頃一十畝

又查明自首揭回太康縣屯地三頃九十畝

比照民田折算起科仍虧

舊額

說詳雕陽衛

照舊例每畝均派銀二分二釐五絲六忽二

微九纖七沙二塵一埃四漠共徵銀一千七百一十八兩

一錢八分五釐五毫五絲

遇閏無增亦無補徵等款。呂未云屯糧原係歸德府通判代

徵駐毫之白龍王廟兼轄鹿毫後裁去其衛官申請兩省院道由本縣代徵解衛至康熙十五年歸併本縣徵收解

可與民地一例當差其地畝稅糧軍伍疆界
順治十年知縣閱三元刻石立縣儀門內

又武平衛軍墾地一千四百八十八頃七十三畝八分四

釐四絲康熙十六年查出地一千四百三十九頃有奇續

又查出五十頃一十二畝有奇乾隆七年十月豁
除開濬惠濟河空傷地四十一畝準併收武平衛屯地則

九分九釐七絲實在行糧得此數

例共徵銀三千二百八十三兩六錢五釐七毫遇閏無增

亦無補徵
等項。許志云武平衛官屯原在懷慶府屬河南之孟津

開封之朱仙鎮等處明洪武二十二年其軍自護衛調毫

時黃河南徙由毫達淮鹿邑歲苦苗傷百姓逃亡地曠人

稀值奉詔任民私墾永不起科軍餘流移鹿境擇開荒田

或又節買民田遂隱欺原屯而曰屯在於斯其侵佔者又

皆曰自墾也今鹿境四隅皆有之向皆取租自運縣無冊

戶可稽自康熙十六年歸併本縣徵收解司

與民地一例當差始按籍稽查漸次釐正

大凡里衛屯墾行糧地一萬三千四百一頃七十六畝四

分一釐一毫二絲九忽四微此賦役全書稿及奏銷冊所

載數較許志少四百三十四

民賦

頃三十八畝據書吏云今缺額尚多。此外有學田八頃四十九畝二分呂志云每畝徵銀一分四釐八毫七絲九忽八微全書冊稿以不在縣行差未開列又有太清洞香兩宮香火地共八頃一十畝亦係額外不行糧之地

其徵賦之數除正供雜辦並加增九釐銀已見前外又有

補徵銀曰漕糧潤耗銀米自康熙九年始每漕糧一百石

徵漕米一千五百石應加銀七十五兩加米七十五石每

石價銀八錢共銀六十兩又奉文正耗漕米一千八百九

十七石五斗共該價銀一千五百一十八兩除舊徵正米

價銀一千二百九十九兩一錢二分三釐七毫五絲仍補

徵耗米價二百一十八兩一錢七分六釐二毫五絲又臨

清廣積二倉加一耗米三十一石九斗二升一合五勺二

抄五撮補徵二十五兩五錢三分七釐二毫二絲隨糧曰

蘆葦銀五兩二錢六分七釐五絲一忽六微二纖五沙曰

槐花價值六錢四分一釐二毫五絲順治十八年折色三

十七斤十四兩定價每斤價銀八分五釐除原額外補徵銀

折二十五斤四兩定價每斤四錢五分五釐除原額外補徵銀

二兩五錢凡四百一十三兩二錢五釐五毫二絲一忽六

二分五釐

微二織五沙依行糧地

廠屯諸地不與

不分等則每畝均派銀五

毫一絲四忽一微五織二沙二塵七埃七渺四漠

許志云遇閏加

徵二兩五錢二分五釐今核全書稿
閏年實多二兩二錢五分六釐三毫

其應攤入地糧者丁銀凡一千七十九兩一錢六分

雍正四年

奉文均派於地糧之內無論民衛紳衿官戶不分等則一例輸將

每地糧一兩攤丁銀二

分三釐二毫七絲四忽五織七沙四塵六埃三渺四漠七

灰丁銀之外又有匠價原額銀一十三兩五錢

目始於明國朝乾

隆三年均人地糧與丁銀同

每地糧一兩攤銀二毫九絲一忽一微五

織二沙一塵六埃九渺九漠八灰

其獨增於武平衛屯地者日贍運銀每畝派銀一釐七毫

七絲六忽四微八沙三塵三埃五漠七邊

自乾隆三十八年始共銀四百

二兩八錢四分三釐逕解糧道彙解漕院轉發

宿州二幫運漕各丁以二幫時有勾僉之擾也

其獨加徵於寄莊者曰門銀

原額上則地每畝六釐下則地每畝三釐

凡六十

九兩八錢五分七釐二毫五絲

以上民衛實徵起存本折並補徵丁地匠價及加徵贍運

各項據光緒二十年奏銷册稿共銀四萬七千八百一十

一兩一分一釐據二十一年奏銷册有閏應加銀七百八十六兩八錢八分五釐

許志載漕米二千四百八十石每石價銀八錢實徵價銀

一千九百八十四兩按呂志小灘倉正米一千五百石臨清廣積二倉小麥無麥納米原額本色粟米三百一十九石二斗一升五合二勺五抄德州倉

小灘倉運軍行糧粟三百石折徵銀九分數並不合今考賦役全書稿列

此款本色起運項下原額銀二千一百六兩六錢三分七釐。呂志四項納倉皆本色也徵銀

差赴緝買銀有定額米無定價此侵漁之弊所易生也自
侵漁之弊生則接濟之說不得不行接濟之說行而私幫
之計又起吏胥中飽無厭而小民膏血盡矣前任知縣翟
維恒廉淡自愛大矯前弊額徵之銀毫無染指銀米價值
綽然寬裕接濟之名遂廢然吏役有見從前之利莫不有
動於中故年耆則競言米貴年豐則詭託用多至順治十
三年以後剝削愈繁所費不貲蓋三倉既各遣里長爲買
役矣宜卽責成於里長凡利與害里長自受之乃戶算之
外有防漕有護解有催解有督解數月盤費盡出於米卽
不爲奸而耗費已多况數人相爲表裏譬如縱餒虎於肉
陵不饜飮其腹不休也順治十五年知縣陳王猷將應徵
米銀如數分給里甲責成里長自行運納而無防漕護解
催解督解等役惠及鹿人者良深康熙二十三年巡撫王
公曰藻具題折白解司充餉邑歲可省費數千民困始甦
今奉部文康熙三十年仍徵本色因時補救端有賴於當
事之愷悌君子許志曰折色自雍正十二年始時總督王
公士俊據商邱紳士陳履中等呈請具題歸德府屬商邱
諸縣在運河四百里內裕于部議不行其永城鹿邑夏邑
虞城柘城五縣准改折色赴衛輝彰德採買粟米兌運嗣
因河北一帶米少價昂而產豆頗多價值尚平乾隆五年
中丞雅公爾圖題准改買黑豆交運辦理頗易迨自乾隆
八年以後豆價漸昂每石八錢之數艱于採辦賠補甚多

十五年申丞鄂公容安奏准將本邑應買黑豆改派安陽等縣徵收起運仍按照每石八錢之價于地丁銀內減除卽以鹿邑之折徵銀兩又驛站實徵銀連閏總九百一十抵補自十七年爲始

八兩有奇全書稿列存留項下

本縣驛站原額銀一千一十二兩六錢二釐一毫遇閏加額銀八十兩八錢五分實徵銀八十兩六錢四分九釐內除走遞皂隸二十名工食

原額銀四十兩實徵銀三十四兩五錢五分一釐七毫係

康熙十五年裁充兵餉實在驛站銀九百一十八兩六錢

九分九釐四毫康熙十四年奉文通融計算裁四留六二

十年准復二分其應支應裁實數向歸糧驛鹽道造報乾

地見由司按年造報奏銷以上二款志雖別出實皆在

前起存本折實徵數內賦役全書本色起運下有工部本

本色每副價銀四兩二十四年減定價值每副價銀一兩

乾隆二十三年十一月統歸丁地解儲司庫存留項下又

有協濟驛站款又有自順治十三年至咸豐十年新舊裁

解各款其目繁至數十蓋皆在雜辦之內以非見行之制

欲徵前聞全書

自在故悉從畧

其起解之數許志所載凡解藩庫銀三萬九千一百二十
一兩四錢三分有奇解糧道正耗米價並潤耗米價原額
二千一百六兩七錢五分有奇補徵銀四百一十三兩二
錢有奇解守道夫馬裁減小建餘剩銀六百五十三兩一
錢五分解河道河堡夫連閭實徵銀八百一十二兩六分
有奇解學院下馬行香銀二兩八錢七分有奇解本府倉
麥銀八十四兩四錢三分有奇倉米銀七十兩七錢一分
有奇步快手皂隸傘扇夫斗級工食銀共一百三十二兩
解本府糧廳皂隸傘扇夫工食銀共二十四兩河廳傘皂
隸轎夫工食銀二十四兩解經歷司皂隸工食銀十二兩
解府儒學俸銀四十兩府學廩糧銀四兩八錢今據光緒

二十年奏銷冊稿微有同異條列於後

夏稅起運者曰大同銀億庫麥銀曰臨清廣積二倉麥折

銀曰保安宣德等倉麥銀曰御馬倉銀曰秋稅起運者曰兌

軍米銀曰古北口黑口銀曰古北口倉粟米銀曰唐縣倉

米銀曰京倉黑豆銀曰御馬倉草銀曰太倉草銀曰本

司巨盈庫草銀曰開封府粳米銀曰周府郡王祿米銀皆

用大戶運解其款項繁多難以悉數本朝起運各項因革

不同則有戶部夏稅秋糧折色馬草折包戶口鹽鈔禮部

藥材光祿寺菜豆兵部京班柴直工部銅料磚料膳司彙解

器等項雖出于條鞭正賦而皆供自間閭歸藩司彙解

民稱便焉惟戶部本色有小灘倉米臨清廣積倉麥米德

州麥米數項糴買赴倉民苦輸納旋用折白充餉而議復

議革者有年夫徵糧多一教目責成于官府而有催科假
手于吏胥而有需索取齊于里甲而有幫添一事之與廢
民之利害關焉今邑之賦稅悉歸併徵解事不繁而令不
擾民生其間
不亦幸乎

凡解司額設丁地等銀四萬四千五十三兩五錢六分五

釐遇開加銀六百六十一兩八錢七分六釐

凡解糧道銀六百二十八兩九錢二分六釐

輕賫折席盤剝潤耗等項

共二百二十三兩有奇臨清廣積二倉正耗銀二百八十兩有奇臨清改撥行糧折色銀一百二十兩補徵隨漕席

有奇皆不加閩又贍運銀四百二兩八錢四分三釐

不加

凡解河道河堡夫銀七百八十六兩二分六釐
五釐○按呂志河夫一百七十名每名三兩徵銀五百五十七兩七釐一毫無閩堡夫二十五名徵銀二百七十三兩四分二釐七毫今實徵此數呂氏曰此歲修工食也出條糧額內解管河道支用自河決荆隆口以後工費浩大除歲額外增夫至叁百餘名約費萬金有餘復派柳至拾萬所費更浮於夫價卽此二項足抵一年正供而他項雜徭又復稱是嗟嗟民弗堪命矣巡撫佟公鳳彩下車詢民間疾苦知赤子之虐河伯爲最曰官僱之法可行也官僱之法行則胥役之中飽可絕上下之打點不需包攬之贏餘可省總而計之官費一何啻民費十乎康熙十三年具題官僱奉旨允其奏永不派及里甲歲省通省數拾萬金兩河窮黎出水火而登祿席者十餘年於茲百姓感公之德多有臨流而墮淚者時人比之峴山云然法久則變隨時補救更有望於後之凡爲佟公者

凡解臬司庫裁扣銀一百四十六兩七錢九分

遇閏加十二兩四錢

六分五釐。此款舊解糧驛鹽道改解臬司自乾隆四十四年

凡解本府船料銀一百五十四兩九錢二分七釐

遇閏加三錢四

分六釐。此卽許志所載倉麥倉米銀也

大凡爲數四萬六千一百七十三兩二錢五分一釐

遇閏加七

百一兩三錢八分二釐

是爲起解之數

其存留之數有支解有俸工有雜支

凡解學院下馬行香銀二兩八錢七分三釐

遇閏加六釐

凡解本府步快工食銀三十六兩 皂隸工食銀八十四

兩 傘扇夫工食銀六兩 府倉斗級工食銀六兩

遇閏共加

十一兩

凡解糧捕通判皂隸工食銀一十八兩 傘扇夫工食銀

六兩

遇閏共加二兩

凡解經歷司皂隸工食銀一十二兩

遇閏加一兩

凡解本府儒學俸銀四十兩

不閏加

又府學廩糧銀八兩四錢

遇閏加七錢

以上各款都計二百一十九兩二錢七分二釐

遇閏加十四兩七錢

六釐今皆於本縣存項下支解

知縣俸銀三十八兩七錢八分四釐

遇閏加七分六釐

凡知縣之

屬門子二人工食銀十二兩

遇閏加一兩

皂隸六人工食銀九

十六兩

遇閏加八兩

馬快三人工食銀四十八兩

遇閏加四兩

馬快

草料銀六兩三分三釐

遇閏加四分

舊志七十四兩四錢六分三釐九毫成豐十年裁

減歸丁地項 民壯四十人工食銀二百四十兩不加 禁卒

下餘此數 八人工食銀四十八兩遇閏加四兩 斗級四人工食銀二十四

兩遇閏加二兩 轎傘扇夫七人工食銀四十二兩遇閏加二兩

四庫子四人工食銀二十四兩遇閏加二兩 鋪兵五十人工食

銀一百二十兩遇閏加十二兩 走遞扛夫工食銀七十九兩

六錢五分遇閏加六兩五錢二分五釐 馬夫工食銀三十一兩八錢六

分遇閏加二兩六錢一分 走遞馬草料銀五十三兩五錢三分遇閏

兩九錢二分計志云銀七十二兩 馬號煮料柴值銀七錢二分以

上凡知縣與其屬俸工銀八百六十四兩一錢四分七釐

遇閏加五十二兩七釐

縣丞俸銀三十四兩四錢七分五釐遇閏加七分七釐 凡縣丞之

屬門子一人 皂隸四人 馬夫一人 工食銀人六兩

加五 凡縣丞與其屬俸工銀七十兩四錢七分五釐 遇閏加三

兩七分七釐

典史俸銀二十七兩一錢六分六釐 遇閏加六分 凡典史之屬

門子一人 皂隸四人 馬夫一人 工食銀人六兩 遇閏加五

錢 凡典史與其屬俸工銀六十三兩一錢六分六釐 遇閏加三

兩六分

教諭 訓導俸銀八十兩 不加閏 凡學官之屬齋夫工食銀

三十六兩 遇閏加三兩 膳夫工食銀四十三兩 遇閏加三錢 門

斗工食銀二十一兩六錢 遇閏加一兩八錢許志有喂馬

四毫咸豐十年全數 又廩糧銀五十六兩 遇閏加四兩六錢六分七釐

裁歸丁地項下解司

凡學官與其屬俸工銀及廩糧銀二百三十三兩六錢

閏

加二十八兩八錢

自知縣以下俸工等銀一千二百三十一兩三錢八分八釐於本縣存項支給 合前支解數都計一千四百五十二兩六錢六分餘銀另於雜支項下銷算

其雜支項下一百八十七兩三錢七分九釐開銷如左

文廟二祭銀三十四兩四錢七分五釐加增祭銀一兩二錢一分六釐

崇聖祠祭銀四兩三錢九釐

武廟祭銀四十兩

文昌廟祭銀四十兩

嘉慶六年列祀典祭銀二十六兩六錢六分同治十二年增議祭銀一十

三兩三錢三分

四釐如今數

社稷壇祭銀七兩三分八釐

神祇壇祭銀十兩五錢五分六釐

厲壇祭銀八兩七錢九分六釐

劉猛將軍廟祭銀三兩四錢四分六釐

精忠祠祭銀三兩七錢九分二釐

遇閏加九釐

朔望行香銀二兩八錢七分三釐

遇閏加七釐

修理 文廟銀八兩六錢一分九釐

遇閏加分九釐

孤貧月糧花布銀二十三兩三錢五分九釐

遇閏加一兩七錢四分許

志此下有拜飲酒禮銀六兩四錢一釐有奇現歸地下項下解司

以上共符前數

以上存留遺款一千六百三十七兩九錢四分

遇閏加八十五兩

錢三釐 通前起解之數共銀四萬七千八百一十一兩一分

一釐符前丁地徵收之數

其地丁耗羨銀七千八十二兩一錢二分九釐遇閏加一

兩六分七釐 一解司銀六千七百一兩七錢二釐遇閏加一

兩六分三釐 又解贍運耗羨銀六十兩四錢二分七釐不加

是爲耗銀起解之數 一支知縣公費銀一百六十兩舊

百兩嘉慶九年奉文酌減 一支縣丞養廉銀八十兩 一支典史養

廉銀八十兩是爲耗銀留支之數都計符前數

引鹽

鹿邑引鹽舊隸東綱售額八千七十七引許志云原額四千七百一十一引新

復二千三百七十二引 乾隆初累增至二萬二千一百五

新增七百三十四引

十七引許志云康熙三十六年又新增一千一百七十一

量增五千四百引七年加增五千五百引源本為商業

三百五十二引乾隆二年接濟二百九十五引

商皆山西人據同治六年各橋册關同治六年山東巡撫

姓不詳其名有晉五福天申福諸號

改歸官運納課請引仍存商名其鹽自山東利津永阜場

舟運達安居鎮復取道金鄉單縣虞城商邱陸運至縣

志云自永阜場批掣下船運至應城縣濰口鎮易船抵東

阿魚山鎮易車至陽穀縣阿城鎮復以舟運至濟甯州安

居鎮復以車由單縣渡河應虞城商邱運至歲銷實不足

縣今運道仍舊而河流已徙車行為差利矣

萬引也同治五年山東巡撫丁寶楨奏稿曰查河南歸德

及衛輝府屬之商邱甯陵睢州永城虞城夏邑柘城鹿邑

七萬八百一十道歷年疲敝已極迭經設法整理迄無成

效茲復飭司籌議據署藩司盧定勳兼署運司衛榮光詳

稱南運鹽務溯自道光二十九年因商多疲累改為官商
並運咸豐三年以後迭遭寇擾商民失業遂致引積課懸
同治元年忠親王僧糧臺派員試辦專為濟餉嗣以銷數

七者屯邑系志卷六上民賦

遲滯又經停止仍歸商辦年來竭力整飭無如各商積困
 愈深徧地私鹽充斥難期振作南運為北運貼近藩籬商
 邱等處尤為南運進私門戶若非大加整頓不足以振頹
 起廢商辦雖曲加撫恤課款仍日見虧短即另招股商而
 通網久視為畏途招徠亦甚不易悉心籌畫擬將商邱等
 九處引岸統歸官辦仍遵照先課後鹽章程無論正雜捐
 款一律完繳領引春鹽運至河南設局派員經理於引背
 後註定本商姓名使引窩不致泯滅各該處離場千有餘
 里水陸轉運雜艱必須預籌運木方可舉辦先由藩運兩
 庫籌借銀五萬兩飭令承領之員出具切實保結統限二
 年掃數歸還如此整頓而商局於南北課運均有裨
 益等情請奏前來臣覆查南運商邱等九處每年額引七
 萬八千一百一十道自道光二十九年起至同治五年止惟咸
 豐六年分照額全領其餘各年共計未領引七十九萬五
 千六百九十三道實為異常短絀總由該處界連南北蘆
 淮兩私分道浸灌而歷年官商並運未能一氣貫注又兼
 連年羣捻肆擾節節梗阻以致全岸倒敗不可收拾同治
 二年前撫臣譚奏歸僧格林沁由糧臺酌籌運本派員試
 辦以時勢過難議明僅完正課銀兩雜款一切概行免交
 並議每包提銀二兩接充軍餉乃自二年冬季起至四年
 春季止兩年之間止領同治二三年引張五萬道仍有未
 領引九萬一千六百二十道雜運原額提銀十萬兩

歸該糧臺支用而所議應交正課並未扣除隨引完交仍
在藩庫於協解月餉內照數畫抵雜款則盡數虛懸是借
營糧臺試辦兩年雖得銀十萬兩而以止雜各款扣除合
算僅得銀六萬餘兩且以兩年應銷十四萬一千六百二
十道之引只銷出五萬道仍屬引絀課懸毫無起色嗣以
地方迆氛不靖並形壅滯隨經撫臣閻敬銘奏明停止以
同治四年為始仍歸東省無論官商悉照先課後鹽章程
辦理兩年以來雖屢飭商人竭力籌辦而商力疲乏加以
去年產鹽短絀鹽價運費等項昂貴數倍從前而蘆私准
私又復日益充斥商人更視為畏途雖令勉強承辦口岸
仍難整頓臣再四籌維苦無良策竊謂理財以充裕國課
為先行鹽以疏通滯岸為重當此商繁引懸祇可統歸官
辦力求振作或於大局稍裨益查歸德府所屬之商邱
縣係附郭首邑鹿邑縣係毗連安徽要區該二縣地處適
中必須設局經理現擬於商邱縣設立總局鹿邑縣設立
分局派委委員分投查辦其餘何處應設分店再由委員
到境後查明稟辦其由場配運處所亦須另委專員經理
並發木質關防鈐記以昭信守使之各專責成並由臣署
設理鹽務局總司稽查惟統歸官辦成本無出即設局應
製一切墊底傢具並委員人等薪工伙食各項為費甚繁
且值此缺鹽之際鹽運腳倍昂貴較之僧營糧臺試
辦益形棘手茲擬先由藩運各庫籌借銀五萬兩作為運

本藉資接濟統限兩年內掃數歸還其領引春鹽悉遵定
 章先課後引雜款亦均隨引交納不准分毫帶欠至每年
 應銷引數處分亦照定例辦理惟積弊之後該委員等創
 辦維艱如能潔已奉公勤慎將事俾鹽引暢銷應請按照
 抽釐之例每屆兩年由臣酌核分別從優請獎倘有墮銷
 亦即照例參處此外若別有侵蝕營私情弊尤當從嚴治
 罪庶各有勸懲俾知感奮至按年照額督銷商邱等州縣
 不得辭其責綠行鹽全在禁私私泉充斥必致官引壅滯
 南運地方係屬隔省委員到彼試辦人地生疏若非地方
 州縣盡力協助必致呼應不靈惟近來地方州縣積習相
 沿一經官辦即自謂無督銷之責意存推諉茲擬明定章
 程委員試辦仍歸地方官督銷其查禁私鹽仍應責成實
 力經理如銷足分數照例甄敘再能拿獲大夥私匪即行
 給予優獎倘因東省官辦意存膜視以致墮銷則例定處
 分具在必當執法以繩不稍寬假若聽私販入境不即查
 辦即當照例禁嚴飭各該場因上年黃水過旺納潮時
 南撫臣申明例禁嚴飭各該場因上年黃水過旺納潮時
 各屬向來掣配永阜場鹽該場因上年黃水過旺納潮時
 與海水夾雜兼以秋雨連綿油氣不升產鹽短絀而配運
 各地引票最多深慮不敷春運是以前經奏明借運蘆鹽
 並由本省各場酌量融借惟黃水漫溢非一時所能猝防
 永阜場以後產鹽能否暢旺實不可知而借運終非常局

現復酌籌本飭令永利場陸續開築新灘趕緊興曬以
顯大局將來南運春鹽卽擬將引張改由永阜永利兩場
隨時酌量配運庶可源源接濟至由場築鹽以及護運秤
驗各事宜概照向章辦理並分飭場所各官及委員等隨
時查察嚴絕弊端其由場運赴歸德水陸迭更所有沿途
偷漏酒賣夾私等弊仍飭一體嚴查有犯卽行懲辦南運
各商均係世業納課多年應仍留本商姓名並不革除俟
辦理數年後查看引岸衰旺商本優細情形再行酌辦刻
下各商等如願由局販買轉賣亦聽其便第此事歸官試
辦一切規模均屬創立兼以屢與屢廢之區亟圖整理能
否無誤課款實未能確有把握惟以地方應辦事宜亦只
期竭盡心力冀收得尺得寸之效現議銷售鹽包除正雜
課款概行完繳及扣除成本並開銷一切局用薪工火食
器用各項外但得稍有贏餘卽儘數充餉務令涓滴歸公
俾濟實用此外如有應行變
通之處容臣隨時酌量奏咨

雜稅銀許志所載凡二千二百七十九兩三錢四分六釐
有奇詳其目曰活稅曰老稅曰當稅曰房地契稅曰牙
行換帖稅又有新增盈餘銀諸皆不入丁地正賦儘收糶

解約計其數如此今據檔冊惟稅契無額數他皆有之晰
列如左

活稅額銀一百五兩三錢六分三釐 活稅新增額銀九

十九兩八錢二分四釐

老稅額銀五十六兩一分

牙行換帖稅額銀一百七十一兩 牙帖盈餘額銀一千

五百八十六兩九錢七分三釐 牙帖新增額銀一百六

十二兩三錢八分七釐

當稅

每典五兩新增退減
詳報布政司存案

銀五兩

許志不載見存典
在衙門內名隆盛裕

稅契新增額銀三十七兩七錢八分九釐

以上雜稅凡五宗都計額銀二千二百二十四兩三錢四

分六釐較舊志減五十五兩稅契銀無定額不在此數

光緒鹿邑縣志卷六上終

光緒鹿邑縣志卷六下

民賦二

書災歎何廛民瘼也書蠲振何彰國恩也一邑之事史豔特筆大率皆通詞耳通詞博引懼失之濫方志之例於是乎略遠古而詳近今至於近今亦或不詳則官牘之放佚與私家紀載簡悅之失臆彌罅扁所不能矣就所可徵輯而存之痾瘵之念秉政者奚以恤其下淪浹之感食德者奚以報其上瀏覽是卷宜各有皇然不能自已於中者

隋高祖開皇五年八月青兗汴許曹亳陳仁譙豫等州大水百姓饑饉遣民部尚書邳國公蘇威賑給皆免其年租

賦隋書本紀及食貨志。按隋時鹿邑縣皆處陳譙之間。與水災不應得免。故衆錄隋以前見於史者。非天下節郡。

國數十通詞略而不載
山陽魯氏邳州志例也

十八年紀宋陳毫譙穎等諸州水

災所在沈溺遣使將木工巡行川源相視高下發隨近可

以疏導之困乏者開倉振給遭水之處租調皆免。五行志

陳譙則縣境在其中若單言陳或言譙則地或不及後所徵引皆準此例

唐太宗貞觀十八年秋宋毫州水

五行志。時鹿邑真源俱屬毫東北接宋境災

宜同志本十州但錄宋毫亦邳志例下同此

玄宗開元十六年宋毫等州旱

五行志

代宗大歷十二年秋宋毫等州大雨水害稼

五行志

穆宗大和三年宋毫徐等州大水害稼

五行志

宋太祖開寶二年七月陳毫宿州水害秋苗 六年秋七

月宋毫竝水傷田

節五行志

太宗淳化四年秋陳穎宋亳諸州霖雨秋稼多敗

五行志

五年春正月遣使振宋亳陳穎州饑民

本紀

秋宋亳陳穎諸

州雨水害稼

五行志

九月遣使分行宋亳陳穎等州按行民

田被水及種蒔不時者並蠲其租

本紀

真宗祥符七年正月己酉車駕謁太清宮減歲賦十之一

壬子詔所過頓遞侵民田者給復二年

本紀

英宗治平元年宋亳陳許諸州水遣使行視疏治振恤蠲

其賦租

本紀

元世祖至元二年霪雨害稼 四年霪雨害稼大無麥禾

五年秋七月蝗

皆呂志

八年六月蝗

見本紀

元貞九年八月歸德陳州河溢

元史五行志

成宗大德元年春三月河水大溢漂沒田廬

節五行志

仁宗皇慶二年六月河決陳亳睢三州沒民田廬

節本紀

泰定帝泰定二年八月歸德府饑賑糧 三年二月歸德

府屬縣河決民饑賑糧

順帝至元四年夏淫雨害蠶麥禾皆不登

節五行志

至正四

年夏五月歸德淫雨決二旬黃河暴溢商甯虞夏鹿睢考

柘皆濯水患

圖書集成

明太祖洪武九年免租賦

節明史本紀下
不注者皆同

十一年十一

月免田租 十五年三月免稅糧 十八年十一月蠲田

租

恭閔帝建文元年賜田租之半

成祖永樂六年除永樂五年以前逋賦 十九年四月蠲
十七年以前逋賦

宣宗宣德二年十一月免明年稅糧三之一

景帝景泰元年免景泰二年田租十之三

憲宗成化元年河決流逕武平城漂沒廬舍陳志是年免田

租三之一 二年春大饑呂志 十年河溢城圯東北呂志

二十三年旱蝗癘疫呂志

孝宗弘治十年夏六月霖雨傷稼呂志 十五年春大饑呂志

免稅糧

武宗正德元年除弘治十六年以前逋賦 十一年大旱

自正月不雨至於六月麥禾不登呂志 四月賑

世宗嘉靖元年賜田租之半自正德十五年以前逋賦盡

免之 二年秋霪雨浹旬冬大饑呂志 七年夏大旱呂志

八月免被災稅糧 八年秋七月至八月蝗飛蔽天冬大

饑呂志免被災稅糧 十二年河溢水至城濠圖書集成 十六

年夏六月河溢傷稼呂志 十八年春大饑人相食疫死者

枕藉於道九月振本紀侍郎王杲振河南饑 十九年口河決野鷄岡

縣境大水 二十一年夏六月霪雨踰月河南從平地水

深丈餘民多溺死呂志免稅糧 二十二年秋河水傷稼呂志

四十一年夏大旱冬饑呂志

穆宗隆慶元年免田賦之半及嘉靖四十三年以前逋賦

神宗萬曆四年秋七月蠲逋賦有差明年漕糧折收十之

三 八年春大饑

呂志

九月夏大水無麥苗

呂志

十年春

二月免積年逋賦

十一月大旱無禾

呂志

○考本紀是年冬十月河南水

災繼振有差不言有旱

十五年大水

呂志

十六年春饑

呂志

疫言三

月河南大饑疫

二十二年春大饑

呂志

振免田租

本紀言二月遣使振饑

夏

大水無麥禾

呂志

○圖書集成云春大饑民多流亡五月雨至九月麥秋不登

二十三

年秋大水冬饑

呂志

二十九年河溢

本紀是年河南大旱

三十三

年秋八月河決王家口

呂志

冬十二月免被災田租

三十

八年春大旱

呂志

夏四月振

四十四年夏六月蝗秋七月

河決陶口

呂志

○考本紀是年三月河南大饑闕振有差

莊烈帝崇禎五年秋霖雨傷稼

呂志

七年秋七月蝗

呂志

九年春五月丙辰大雨平地水深五尺麥爲腐

呂志

十二

年夏六月蝗秋蝻生

呂志

十三年春大饑人相食

呂志○考本紀

河南旱蝗人相食

十五年春正月免十二年以前逋賦秋九月

閩賊決河灌汴鹿邑平地水深踰丈人民沒溺殆盡

呂志

國朝順治九年夏四月不雨至於秋八月九月大水冬饑

十二年夏六月丙子紅雨如注自辰至未平地水深三

尺渦河隄決沒田禾

十五年秋九月霖雨浹二旬

康熙四年蠲免順治十六年至十八年民欠錢糧

以下蠲振皆引

東華錄及亳州志災數皆引舊志不復詳注

七年秋八月霖雨傷稼

八年

恩詔蠲免康熙元年三年民欠丁地正項錢糧

十一年夏六月蝗

十六年大無麥

二十年十二月谿

免康熙十三年至十七年地丁民欠錢糧

二十三年無

麥 二十四年春大饑秋大水傷稼九月免被災額賦冬
十月免明年地糧之半二十四年未完者悉予豁免 二
十五年春饑夏六月蝗 二十六年秋七月蝗 二十八
年夏六月大水傷稼秋禾不登冬十一月大雨震電雹霰
交作繼大雪人多凍餒官爲粥以振 二十九年春饑振
粥夏六月免田租秋牛疫 三十年秋九月免明年錢糧
漕糧亦著停徵 四十八年大水 四十九年冬十月免
明年錢糧 普免也自五十年始於三年內通免一周 五十年冬十月免明年
丁地銀并免徵積逋 蠲免凡五省河南與焉。以上書法不一皆據所引期存實也下並同

五十一年大無麥禾

雍正元年大旱蝗蝻生是年

恩詔酌免民欠錢糧

七年春麥生糜蟲旋有小花蟲食糜蟲盡麥大熟三月免

錢糧

河南共免四十萬鹿邑應免若干數無考

十三年九月 恩詔蠲免

十年以上民欠錢糧復 諭十二年以前民欠錢糧一

並寬免

乾隆二年春正月免雍正十三年以前截漕應追行糧漕

四年夏其臺雨川渠泛溢壞民廬舍無算禾稼大傷

五年春蠲生 六年夏秋霖雨川溢傷稼壞民廬舍

七年夏秋霖雨川溢陸地行舟大無禾 八年春大饑道

殍相望

四年至此皆見許志於時頻歲災歉不應無蠲振志皆生載他書亦無考

秋九月免帶

徵乾隆七年以前逋賦 十年春牛疫是年蠲免丙寅年

錢糧

亳州志云部議十二年僅免丁地銀

十二年免錢糧

十一年普免之詔河南所

屬州縣應於
是年輸免

十三年免錢糧 十六年春正月免十四

年以前逋賦 二十二年饑秋七月疏濬溝塍以工代振

凡用帑銀二萬二千七百八十四兩有奇見河渠紀畧 三十

一年免漕糧普免也河南州縣輸於是年 三十五年 恩詔免錢

糧 四十二年免錢糧州縣輸於何年待考 四十五年

免漕糧四十三、四十四、四十五年普免 恩詔 五十年免四十年以

前積欠耗羨 五十一年大饑 五十五年 恩詔豁

免錢糧 五十七年夏四月免歷年逋賦 五十九年春

免節年因災緩徵銀十之三秋八月 恩詔免六十年

漕糧冬十二月免節年正耗民欠及因災緩徵帶徵銀穀

六十年冬十月 恩詔免嘉慶元年地丁錢糧

民賦

嘉慶四年冬十一月免乾隆六十年以前積欠緩徵地丁
耗羨及民欠籽種口糧漕糧銀兩并積欠緩徵民借米穀
及緩徵帶徵銀穀 十八年夏六月大旱饑秋九月隕霜
殺蕎麥是年緩徵丁地銀二萬九千六百五十二兩有奇
豆價銀一千九百八十四兩

自此以下始有稽冊可稽
然亦不備十得四五而已

十九年春大饑夏六月旱秋大水是年緩徵丁地漕糧等
項銀四萬八千五百九十七兩有奇 二十三年 恩

詔蠲除積逋自十一年起至二十二年止節年正耗及因
災緩徵帶徵銀穀 二十四年夏五月旱秋七月水八月
河決開封汜及縣境平地水數尺壞廬舍無算九月至冬
十月霪雨十一月雪大水緩徵丁地銀一萬九千九百十九

兩有奇是年

恩詔蠲免歷年正耗民欠及緩徵帶徵

銀穀 二十五年夏五月雨雹損稼

大如湖桃六月河決開封

蘭儀縣汜及縣境平地水數尺是年蠲免銀九千一百九兩有奇緩徵銀二萬三千二百四十一兩有奇

道光二年夏六月十六日大雨川渠盡溢秋稼大傷秋七

月十四日大雨白溝隄潰平地水深丈許

是年災甚應緩徵檔冊不具無

可考五年春三月免積年逋賦并河工加價攤徵銀數未詳

秋蟲傷稼棉不實 九年夏旱緩徵銀三千一百八十一

兩有奇 十一年水緩徵銀五千四十七兩有奇 十二

年水緩徵銀一萬二千七百三十六兩有奇 十三年大

旱饑

應有蠲緩檔冊無考

十五年秋八月

恩詔蠲免道光十

年以前正耗民欠錢糧及因災緩徵帶徵銀穀

檔冊不全不能核其

實數

十六年秋七月蝗蝻傷稼九月隕霜殺蕎麥 二十

一年秋七月河決開封汎及縣境禾稼大傷

南境災尤甚

蠲免

銀二萬一千一百十三兩有奇 二十二年大旱秋無禾

河水自蔡河入境溢沒民舍是年緩徵銀一萬七千一百

八十八兩有奇 二十三年水無禾蠲免銀一萬六千四

百六十四兩有奇 二十四年大水停徵 二十五年災

未詳水旱緩徵銀二萬二千八百四十八兩有奇是年八月

恩詔蠲免道光二十年以前正耗民欠錢糧因災緩徵

帶徵銀穀及漕項學租雜稅

檔冊十三年以後缺數不能詳

二十六年

災

未詳水旱

緩徵銀四千三百四十一兩有奇

二十八年秋

八月大雨水

咸豐元年秋霖雨害稼緩徵銀一萬五千六百四十一兩有奇是年 恩詔蠲免道光二十一年至二十九年積

欠銀十萬九千四百十六兩有奇 二年緩徵銀一萬九

千一百三十四兩有奇 三年寇亂緩徵自此以後惟七年八年歲徵銀

千數百兩 七年秋七月蝗 八年秋蝗 九年 恩

詔蠲免丁地銀三萬三千八百七十七兩有奇漕糧銀二

千六百十二兩有奇 十年春三月霖雨而月 十一年

夏蝗

同治元年緩徵 二年緩徵漕糧是年 恩詔蠲免道

光三十年至咸豐九年積欠銀三十三萬九千五百四

六兩有奇 三年夏四月雨水傷麥是年緩徵漕糧 四年
年至七年均緩徵漕糧 六年夏六月大雨水傷稼 七年
年八月 詔自咸豐十年至同治六年民欠錢糧概予
蠲免凡銀二十一萬六千四百兩有奇

光緒元年春三月

恩詔蠲免同治七年至十年積欠

銀四萬六千八百二十六兩有奇冬十二月大雪下隰麥
根多傷 三年秋大旱蝗發義倉穀振飢 五年夏六月

大雨平地水深數尺城垣頽圯數十丈 六年秋大旱種

麥失時菽不實

十年秋八月

恩詔蠲免同治十一

年至光緒五年積欠銀五萬六千三百五十三兩有奇

十三年夏六月旱秋八月霖雨河決上南廳第九堡縣南

境淹沒冬振 十四年水緩徵銀三千十五兩有奇又西
南境河水泛溢停徵銀四千九百十七兩有奇 十五年
春正月 恩詔蠲免光緒六年至九年民欠銀二萬四
千七百二十九兩有奇又西南鄉未報啟徵銀二千五百
九十四兩有奇秋八月 恩詔蠲免光緒十年至十三
年民欠銀一萬八千六百九十八兩有奇 十六年秋八
月霪雨敗菽棉盡死是年緩徵銀三千五百八十六兩有
奇 十七年夏六月西北境雨雹早稼盡傷秋七月霪雨
晚禾亦傷有蟲晝潛夜出食穀葉皆盡是年緩徵銀三千
四百十六兩有奇 十八年夏閏六月蝗蝻害稼秋八月
蟲害菽是年緩徵銀三千三百七十九兩有奇 十九年

光緒鹿邑縣志 卷六
秋始旱繼潦禾稼大傷緩徵銀三千三百九十兩有奇是
年牛疫自八月至于明年三月牛死無算 二十年緩徵
銀三千三十一兩有奇

光緒鹿邑縣卷六下終

光緒鹿邑縣志卷七

學校

縣境有孔子廟自東漢始

見酈道元水經注陰溝水篇

孔疇片石已成

煨燼崇祀之制靡得而稽矣唐宋以來學校徧天下我

朝甄陶四代益大其規雖曰諸縣從同而教化所從出人
才所由興佚而弗詳甚非所以尊師道崇儒術也舊志分
見於建寘祀典今輯爲一篇小有訂正皆據禮制典要有
赫觀者庶無菅焉書院義學之屬事以類從肆成人有德
小子有造黨庠里塾固其始基也作學校考

廟制

文廟在縣治東元至正中歸德守觀志能創建後燬於兵

明洪武三年知縣韓璣重建宏治十年知縣史學萬曆三十二年知縣楊應魁踵修崇禎末為流寇所焚 國朝順治三年知縣閔三元復建康熙四十年知縣謝乃果乾隆二十五年知縣王世仕嘉慶十一年知縣葉灼相繼修葺均有咸豐間頽圯殆盡同治九年縣人集貲沿舊制新之中為大成殿五楹楣極恭懸康熙二十三年頒

御書萬世師表額雍正三年頒

御書生民未有額乾隆三年頒

御書與天地參額嘉慶三年頒

御書聖集大成額道光三年頒

御書聖協時中額咸豐元年頒

御書德齊幃載額同治元年頒

御書聖神天縱額

今上光緒七年頒

御書斯文在茲額殿東有

聖祖御製至聖先師讚碑西有四配顏子曾子子思子孟

子讚碑兩廡各九楹前爲戟門又前爲泮池

池東西有敬一箴心箴視

聽言動四箴凡六碑已仆其二西又有元加封號碑東又有孔氏恩例孟氏蠲免及崇禎聖諭各碑

池之前

有坊曰太和元氣萬古日月坊東偏有二碑恭刻乾隆二

十二年頒

御製平定準噶爾告成太學文二十四年頒

御製平定回部告成太學文又前爲櫺星門門之前東西

各一門各有額東曰德配天地西曰道冠古今

許志橋星門前有談

禮遺蹟坊今廢前有石表柱二乾隆間知縣王世仕據闕里志立東一柱仆地已斷爲二

又前爲屏牆

左坊曰聖域右坊曰賢闕兩廡之南各有屋三間東爲省

牲所

舊在橋星門內東偏北向

西爲神庫

舊在橋星門內西偏北向

太和元氣坊之

東有屋曰更衣所其南有門曰黉門達於儒學

儒學創建於明洪武三年嗣是屢有修葺

典史劉海知縣史學羅衣夏寶

韓友范

崇禎末燬順治五年知縣閔三元重建中爲明倫堂

堂之前有兩齋

東曰廣業西曰崇德

有號舍

東西各十三間

又前爲儀門

署

義路禮門左

又前爲儒學門爲屏牆堂之後有復性亭東

亭西亭西北有敬一亭

明嘉靖五年製敬一箴並注范浚心箴程子視聽言動四箴以賜學

士費宏等九年正月頒於天下學宮此建亭之始康熙時內凡六碑康熙時碑存亭廢乾隆時碑移於文廟

齋房號舍儀門及四亭竝廢

敬一亭東有射圃俱武初建亦久廢矣

同治九

年重新廟學諸制亦未遑修復也光緒元年知縣張書紳

敬重勒

世祖訓士卧碑於堂左

舊碑何年佚無考堂東有明萬曆歲貢題名碑

崇聖祠舊在大成殿東北本名啟聖祠康熙二十七年知

縣呂士鵠移建於尊經閣後雍正二年追封先師五代王

爵易名崇聖同治九年重建名宦祠在戟門東鄉賢

祠在戟門西忠義孝弟祠在太和元氣坊右節孝祠

在儒學東教諭宅在明倫堂後訓導宅在教諭宅旁

今廢

明王堯日重修儒學碑鹿故志風俗崇德尚義乃中土多才邑也成化前學方新搆風氣完凝而士亦敬

樸相觀賢俊彬彬聯名科第時號小江西云是後學官顧

地靡常風氣漸以浸弱而士亦荒惰不振甚至競利悅華

趨邪蹈謫自壞乃性者間亦有焉中有一二豪士起而極
力挽之亦竟不古昔若也嘉靖二十三年冬聖天子勵精
中興慎選茂異以弘德化南城夏侯膺命來令斯邑蒞學
之初歷觀門堂之屬缺隘廢詢問科第往來空乏乃進
諸生仰而歛日嗟斯非古鳴鹿耶張公逖不此令耶虞公
詡魯公宗道軒公輓不此產耶乃今人才放失若此令之
責也夫導俗者政風民者教志道者士樂羣者學顧於學
恃陋不備則導將何先風將何自而士之羣者又何以使
之樂而回心向道也是責不在令耶於是遂謀諸寮案撤
故易腐扶欹植頽而堊而繪悉以度是年新戟門明年正
月新明倫堂五月新兩齋八月新雲路若干丈殖殖而翼翼
明年三月新復性亭九月新開雲路若干丈殖殖而翼翼
枚枚而嚴嚴煥然改觀矣王子曰敷治有本自巨始章化
有原自近始夫學善之首也士民之望也舉其首則達者
順先其望則觀者勸斯導利而風動也我侯來牧簿書鉤
距一切罔務而顧憂夫士風惓惓於學焉新是審乎巨細
遠近之義以之敷治而章化何所不達可謂識其要而善
於勸者矣識之謂智勸之謂仁政之經也教之則也
持是治天下可也而况於令乎將見事以人興人以地傑
自是科第不揚至人不出吾不信也士之生斯抑何幸哉
然爲士者亦當體我侯新學之意又自念夫望乎民而益
力於善刻利方義韜華入真祛邪向正黜謫返信用復吾

性之固有其窮也則以是修之家其達也則以是效我
先哲勿壞于天子之廷卽不幸而履危值變則仗節死義
俾不畔乎張忠烈之遺風而後已道義崇尚之俗不已可
挽也哉若儒其衣冠而他術是急幸爵祿而以光榮溫飽
爲志是豈我侯先憂之心抑豈士之自期待者哉愚也願
於諸君子敬勉之勿忽國朝知縣王世任重修文廟碑
睢陽之南鳴鹿舊壤規方百有餘里農安路伍士廟膠庠
俗尚敬履沿習近古前之人旣昉三代井田之制以制鹿
之田知其必崇三代學校之教以教鹿之人宜及今而無
替也仕於乾隆二十一年丙子由甯陵量移受篆後齊謁
文廟見正殿剝落簷角就傾其他處率卑隘缺陋或多毀
圯瞻仰之下心竊悚焉退查邑志學宮遭燬於明季我
朝定鼎順治之六年前令閔三元首創修之嗣興修於康
熙四十年前令謝乃果規制斯備厥後垂六十餘年未有
議及者竊慨起化之地莫之省憂是無以肅士氣振民志
也時以鹿境地下當上游之衝屢被水患戶鮮蓋藏欲卽
興修而需費鉅程工久捐輸期會慮難翕從迺寢其議二
十二年秋境大水哀鴻徧野共請振卹帑金十八萬八千
兩有奇復荷 皇上天恩以工代賑發帑金三萬三千
千兩有奇挑濬河渠邑賴以濟二十三年歲大熟二十四
年春仕宰茲土已四年矣迺集閭邑紳士鳩工庀材而興
修焉首修正殿仍舊棟宇而新之次重建尊經閣擴其規

制次由殿東移建崇聖宮於殿後尊經閣北初三楹易
以五楹次修兩廡各坊亭賢名宦祠其繪墀丹漆供具
器皿悉以度洋池初土也易之以石橋星門外接闕里志
立石表柱二內旁建齋房三楹殿後週圍築牆百餘丈輔
以遊廊迤邐通行明倫堂在宮牆之東概易椽瓦新之堂
後舊有教諭訓導二宅毀廢年久莫可稽廣文借居民房
爰清理故址建儒學正副兩齋署共若干間各工具舉明
倫堂又東則新建班萬壽亭馬朔望慶賀之辰仕偕諸寮
吏暨閩邑紳士聯班叩首廣颺鬻宮密邇新增巍煥邑人
士以時習禮彬仰止三物六行之教必有啟崇不怠而
預徵華國選者將民俗亦自此日上也興工於乾隆二
十四年春二月落成於二十五日八月共費工料銀萬
餘兩有輸之紳士者有輸之伍民者節豐年之餘粒用之
起化之地不介而孚集若響應蓋黃童白叟共樂觀成於
贊序之聿新故司土者無嫌踵前事增美也其規方基址
有居民佃舍年久者皆給緡助遷南北共長一百六十二
步東西共寬二十二步其捐廉添設香案祭樂等器暨司
事鳩工姓氏合併附識文廟工成規模仍舊棟宇維新
廟學碑同治戊辰夏重修文廟工成規模仍舊棟宇維新
翼翼皇皇如鼓如矢殿廡暨名宦各祠計八十間其東萬
壽宮爲歲時祝釐所西明倫堂共十五間周垣百餘丈土
木竹石髹漆工累數千歲歷四週費錢五百萬有奇邑人

或以財或以力趨事爭先厥功並懋居工次以指授代替
鼓閱數載如一日任怨任勞克勤克慎維邑紳王德本等
績爲多先是廟重修於乾隆庚辰後四十餘年壬戌再修
今又八十年矣風雨摧殘日就頽壞宋椽瓦幾無完者
移丁祭於書院見者慨之每議修繕以工繁費鉅而輟且
邇時寇警頻仍民嗟蕩析戒嚴歲至十數城壞池淤先爲
保障計他務未遑也歲乙丑大患旣救人莫厥宅百廢待
舉適前令尹八閩楊君來權篆紳士爰有修廟之請楊君
可之邑紳前兩廣爵督徐公廣緝四川布政使王公德固
各助千緡爲倡餘則計畝鱗派量力勸輸推紳士幹敏者
督工役司出納饋食於家議旣定鳩工庀材是用興役役
甫興楊君及瓜期代者隴西任君弗獲觀厥成而去而徵
適承其乏是時百堵漸興功已得半閱歲廟貌畢備惟塗
丹雘仲春偕廣文恭請先聖先賢各木主於廟行釋奠
禮祀事孔明觀者咸贊噴稱道之粵數月丹雘俱將刊
貞珉以垂永久講徵記其事徵不敏曷克副諸君子請然
因之有感焉溯自宋仁宗慶厯時詔郡縣各立學宮一稱
盛典而玉荆公慈溪縣學記有孔子廟廢不治語南豐宜
黃學記亦云蓋創之者未久修之者已難爲力也况茲邑
文廟傾圮歷八十餘年今輪奐新豈徵之善於紹事識
亦諸君子相
與有成爾

大典
禮典

文廟崇祀孔子以四配十二哲配饗以先賢公孫氏以下

七十九人先儒公羊氏以下六十九人從祀

四配位次東配復聖顏子

漢永平十五年祀七十二弟子顏子位第一魏晉祀孔子均以

顏子配唐貞觀二年以孔子爲先聖顏子配饗

述聖子思子宋大觀二年從祀咸平三年升列哲位咸

淳三年配饗

西配宗聖曾子唐開元八年從祀宋咸淳三年配饗

亞聖孟子宋元豐七

年配饗

以上配位宋以前皆稱封爵元至順元年贈顏子究

國復聖公曾子邾國宗聖公子思子沂國述聖公孟子鄒

國亞聖公明嘉靖九年改稱復聖顏子宗聖曾子述聖子

思子亞聖孟子 國朝因之

十二哲位次東哲先賢閔子冉子端木子仲子

皆唐開元八年從祀

卜子

唐貞觀二十一年以經師從祀開元八年以十哲從祀

有子

唐開元八年從祀國朝乾隆三年

升列

西哲先賢冉子宰子冉子言子

皆唐開元八年從祀國朝

元八年從祀宋咸

朱子

宋淳祐元年從祀國朝

以上哲

位宋以前皆稱封爵明嘉靖九年改稱先賢某子

國朝

因之有子朱子升列哲位從一例

兩廡位次東廡先賢公孫僑

咸豐七年從祀原西廡今移東廡

林放

雍正

從祀原西廡今移東廡

原憲南宮适商瞿漆雕開司馬耕梁鱣冉孺

伯虔冉季漆雕徒父漆雕哆公西赤任不齊公良孺公肩

定鄒單季父黑榮旂左人郢鄭國原亢廉潔叔仲會公西

輿如邾翼陳亢琴張步叔乘秦非顏噲

以上皆唐開元二十七年從祀

何

從祀同國朝嘉靖九年罷

縣亶牧皮

原西廡今

樂正克

萬章

以上皆雍正二年從祀

周散頤程顥

皆宋涪祐元年從祀

邵雍

宋咸淳三年從祀

西廡先賢蘧瑗

唐開元二十七年於鄉國朝

雍正二年復祀

明嘉靖九年改祀原東廡今移

西廡以其卒後於公孫僑

澹臺滅明

原東廡今移西廡

宓不齊公冶長公皙哀

高柴樊須商澤巫馬施顏辛曹卹公孫龍秦商顏高壤駟

赤石作蜀公夏首后處奚容蒧顏祖句并疆秦祖縣成公

祖句茲燕伋樂欬狄黑孔忠公西蒧顏之僕施之常申棧

以上皆唐開元二十七年從祀

左邱明

唐貞觀二十一年以經師從祀

秦冉

唐開元二十七年從祀

嘉靖九年罷朝雍正二年復祀

國公明儀

咸豐三年從祀

原公都子公孫

皆雍正二年從祀

丑年從祀

張載程頤

皆宋涪祐元年從祀

以上先賢位次宋以前

從祀者皆稱封爵明嘉靖九年改稱先賢某子周張程邵

五子嘉靖時稱先儒崇禎十五年改稱先賢位在七十子

之下漢唐諸儒之上 國朝均稱先賢不稱子

東廡先儒公羊高伏勝皆唐貞觀二十一年從祀毛亨同治二年從祀孔安國

唐貞觀二十一年從祀許慎光緒二十一年從祀后蒼明嘉靖九年從祀鄭康成

唐貞觀二十一年從祀明嘉靖九年從祀於同陸贄

道光六年從祀范仲淹康熙五十四年從祀歐陽修明嘉靖九年從祀司馬光宋咸

年從祀原西廡謝良佐道光二十一年從祀羅從彥明萬曆四十四年從祀李綱

咸豐元年從祀原張栻宋景定二年從祀陸九淵明嘉靖九年從祀

西廡今移東廡陳淳雍正二年從祀真德秀明正統二年從祀何基雍正

二年從祀原西廡文天祥道光二十三年從祀趙復雍正二年從祀

金履祥雍正二年從祀原陳澧同方孝孺同治二年薛瑄明

慶五年胡居仁明萬曆十年從祀羅欽順雍正二年從祀呂柟同治三年

從祀

東廡今移 劉宗周 道光二年從祀原 孫奇逢 道光八年從祀

廡張履祥 同治十年從祀 陸隴其 雍正二年從祀原 張伯行 光緒

從祀 西廡先儒穀梁赤高堂生 皆唐貞觀二年從祀 董仲舒 元至順

祀原東廡 劉德 光緒二年從祀 毛萇 杜子春 皆唐貞觀二年從祀 諸葛亮

今移西廡 王通 明嘉靖九年從祀 西廡 韓愈 宋元豐七

東廡今移西廡 韓琦 咸豐二年從祀 楊時 明弘治八年

胡瑗 明嘉靖九年 尹焞 雍正二年從祀 胡安國 明正統二年

今移游酢 光緒十九年 呂祖謙 宋景定二年從祀 袁燮 同治

西廡 游酢 光緒十九年 呂祖謙 宋景定二年從祀 袁燮 同治

明萬曆四十二年從祀 蔡沈 明正統二年從祀 魏了

祀原東廡今移西廡 蔡沈 明正統二年從祀 魏了

從祀 黃榦 年從祀 韓廣 光緒五年從祀 蔡沈 明正統二年從祀 魏了

翁王柏 皆雍正二年從祀 陸秀夫 咸豐九年從祀 許衡 元皇慶二

吳澄 明正統八年從祀 嘉靖九年 許謙 雍正二年從祀 曹端 咸豐

從祀以上三位原陳獻章明萬曆十年從祀蔡清雍正二年從祀王守仁

皆東廡今移西廡明萬曆十年從祀黃道周道光五年從祀陸世儀

光緒二年從祀湯斌道光三年從祀原以上先儒位次嘉靖以前

從祀者皆稱封爵嘉靖九年改稱先儒某子 國朝稱先

儒不稱子

崇聖祠崇祀孔子五代肇聖王本念父公裕聖王祈父公

詒聖王防叔公昌聖王伯夏公啟聖王叔梁公明嘉靖九年立啟聖

祠祀叔梁公 國朝雍正二年加封先師五世王爵始改啟聖祠為崇聖祠 東配先賢孔氏孟

皮豐七年 顏氏無繇孔氏鯉西配曾氏皙孟孫氏激皆明

嘉靖九年以先儒周氏輔成明萬曆二年程氏垵蔡氏元定皆嘉

年從祀東廡先儒張氏迪正二年國朝雍朱氏松明嘉靖九年從祀

先者鹿邑縣志卷七 學校

西廡

每歲春秋二仲月上丁日知縣官釋奠於先師貳及所屬官分獻教諭訓導官監禮生員贊引執事登降之儀官士所習茲不詳詳禮器樂章重典制也

至聖先師孔子位前帛一牛一羊一豕一登一鉶二簠簋各二邊豆各十尊一爵三鑪一鐙二四配位前各帛一羊一豕一鉶二簠簋各二邊豆各八爵三鑪一鐙二東西各尊一十二哲位前各帛一鉶一簠簋各一邊豆各四爵三東西各羊一豕一尊一鑪一鐙二兩廡二位共一案每位前爵一每案簠簋各一邊豆各四東西各羊三豕三尊二統設香案每案帛一爵三鑪一鐙二牲載於俎帛正位四

配異篚十二哲東西共篚尊實酒承以舟疏布纂勺具
崇聖祠正位前各帛一羊一豕一劍二簠簋各二籩豆各
八爵三尊一鑪一鐙二五配各帛一簠簋各一籩豆各四
爵三東西各羊一豕一尊一鑪一鐙二兩廡東二案西一
案均簠簋各一籩豆各四每位爵一東西各帛一羊一豕
一尊一鑪一鐙二俎篚纂勺具

樂器凡祭先期陳於殿外階上編鐘十六在東編磬十六
在西懸以筍簾設建鼓一於鐘懸之次左祝一笙三搏拊
一西嚮右敵一笙三搏拊一東嚮東西分列琴六瑟四排
簫二簫六籥六壎二篪四均北嚮足鼓楹鼓同節設編磬
之西北嚮鼗鼓相鼓與搏拊同節設搏拊之下東西相向

按會典不載鑄鐘特磬設懸之次助儀糾謬集云鑄鐘在編鐘東特磬在編磬西但其下之序與會典不同亦與闕里文獻考所載互異茲謹遵會典云文舞六佾籥翟各三十六舞列中道之

東西退則立於樂懸之東西引樂之器曰麾引舞之器曰節麾一在祝北節二在東西兩階舞生之前

舊志載樂章迎神威和之曲曰大哉宣聖道德尊崇維持

格於昭聖容王化斯民是宗典祀有常精純並隆神其來

師神明度越前聖綵帛具成禮容斯稱黍稷非馨維神之

聽籥初獻安和之曲曰大哉聖師實天生德昭格籥亞獻

祀無斃清酌惟馨嘉牲孔碩薦羞神明庶幾昭格籥亞獻

景和之曲曰百王宗師生民物軌瞻之洋洋神其甯止酌

彼金罍惟清且旨登獻惟三於戲成禮類亞獻後有終獻

曲舞皆與亞獻同徹饌宣和之曲曰儀象在前邊豆在列

以享以薦既芬既潔禮成樂備人和神悅祭則受福率尊

無越軋送神祥和之曲曰有嚴學宮四方來崇恪恭祀事

威儀雍容歆茲惟馨神馭還復明禋斯畢咸膺百福按送

神之後有望燎蓋明之舊樂也謹考康熙六年

曲與送神同樂

聖祖仁皇帝作中和韶樂樂曲曰平國學釋奠奏之至各郡縣則猶沿明舊未遑制作

高祖純皇帝命廷臣增撰郡縣及闕里春秋四時旋宮之樂乾隆八年頒下各府州縣志成于乾隆十八年不載新樂未詳其說今敬錄如左

迎神奏昭平之章詞曰大哉孔子先覺先知與天地參萬世之師祥徵麟紱韻答金絲日月旣揭乾坤清夷初獻奏宣平之章曰予懷明德玉振金聲生民未有展也大成俎豆千古春秋上丁清酒旣載其香始升有舞亞獻奏秩平之章曰式禮莫愆升堂再獻響協鼓鏞誠孚疊肅肅融融

譽髦斯彥禮陶樂淑相觀而善有舞終獻奏敘平之章曰自

古在昔先民有作皮弁祭菜於論思樂惟天牖民惟聖時
若彝倫攸敘至今木鐸有舞徹饌奏懿平之章曰先師有言
祭則受福四海巽宮疇敢不肅禮成告徹毋疏毋瀆樂所
自生中原有菽送神奏德平之章曰鳧繹義峩洙泗洋洋
景行行止流澤無疆聿昭祀事祀事孔明化我蒸民育我
膠庠

許志載乾隆九年新頒祭器白磁爵三十六登一尊八銅
十一簠三十簋三十邊一百二十二豆一百二十二帛篚
二十四牲俎二十九樂器大鼓一搏拊一二者舊存麾一玉磬
十祝一敔一琴二瑟一排簫二笙二簫二笛二塤二篪二
節二羽三十六籥三十六今並無存惟光緒十九年知縣

于滄湖新製錫鑪二

大者重五十斤
小者重五斤

錫燈四

大者二共重
五十斤小者

二共重
五斤

木鑪十儲於庫

書籍

頒發書籍許志列其目於藝文附識云縣學有經籍自明

永樂十五年頒四書五經性理大全始後復續頒大誥五

倫書孝經事實書名稱歌曲射圖注諸書王志存目今已

散失以上藏書皆國朝頒存據此則各書乾隆時具在

也其目曰

御纂周易折衷

欽定書經傳說

詩經傳說春秋傳說十三經注疏

御批資治通鑑

綱目通鑑綱目三編廿二史大清律

二部

學政全書

二部

今並

無片紙矣

按呂志有云尊經閣藏書久廢康熙二十九年知縣呂士鷄重建捐俸購買十三經注疏等書儲閣中備士子翻閱許志削而不載今采附於此篇籍雖亡賢有司嘉惠士類之心誼不當沒也

學額

歲考入學生員二十一名明初縣學生二十名皆日給膳廩增廣自宣德三年始取附學生自正統十年始於增廣內考選優等補廩缺自天順六年始萬歷三年定爲中學每歲科試進儒童十二名朝順治十四年升爲上學進儒童十五名雍正間知縣李正申請廣額五名同治元年以軍興籌餉復廣一名撥府無定科試同廩額二十名洪武十三年定額十五名定廩額二丁差役後增額二十名洪武二十年奉文增廣宣德三年皆給以折色洪武十六年始定縣學歲貢一人二十五年三年貢二人年改間歲一貢永爲定制國朝因之

遇 覃恩加貢一人明弘治十一年始定制以每十二

年拔貢一人宏治十七年令考取充貢謂之選貢崇禎元

熙開十二年一拔雍正五年改六年一拔以卯酉武生二

年為期乾隆五年仍復十二年之制以酉年為期

十一名本二十名同治元年增廣一名無科試

樂舞生康熙二十八年設呂志云文廟祭祀向無樂舞康

丞撤修樂器選童子之秀者命嫻習禮樂生員劉麟瑞陳

署方教之二十八年奉 部文額設樂舞生六十四名復

咨取闕里樂 師到省教習乾隆五年定每縣四十人以三十六人樂舞

餘四人備臨時更替其例童生免府縣試由教諭訓導冊

送學政錄選入學毋庸開缺鄉生員免其錄遺附案許志

云六十四人歌章四名笙二名笛二名簫二名琴二名瑟

一名敵一名鐘一名大磬一名大鼓一蓋仍存康熙始額

學田

許志云文廟二碑共載學田二十五頃七十六畝一分有

奇今起租學田八頃四十九畝二分四毫坐落李牌口五頃

九十畝七分據賈家灘十八畝鄭家集二十畝竹愷店二頃二畝

呂志增注下同一畝凡徵租銀一十二兩六錢四分五釐解提學道餘租

遇極荒生員不能自存或極貧不能婚娶者通學呈舉振

濟

按呂志載學道學田八頃四十九畝八分一釐每畝徵

銀一分四釐八毫七絲九忽八微每年額徵銀十二兩

六錢四分有奇解學道振濟貧生儒學所種學田城南

五十里孤柳樹下殿共地二頃三十畝折行糧大弓地

五十一畝一分二釐又城南五十里甯平城下民地一頃一十畝折行糧大弓地四十四畝城東五里上民地一頃五十五畝折行糧大弓地六十二畝許志并芟不載今附錄備考

書院

鳴鹿書院舊在昇仙臺前道光九年知縣梅茂南改建於芙蓉街欠而頽敝光緒二年知縣張書紳重修並拓基建號舍爲歲科試儒童戰藝之所因易名爲試院而移鳴鹿書院扁於崇廣堂後重屋下自是試院規模闔厥而講舍轉形狹隘矣知縣梅茂南創建鳴鹿書院碑邑之鳴鹿書院前邑宰呂任菴之流風善政也任菴歛人康熙初令鹿多惠政而於河汾講學風尤致意焉相邑城之東北隅闢義館一區顏之曰真源學舍卽今所稱鳴鹿

書院者是其前爲猶龍堤爲宣聖問禮處是殆有道德之
遐思禮教之遺想乎道光四年甲申之秋余調任茲土甫
下車訪之行次一額書曰伊人宛在余潮洞從之不能去
無何行其庭在新之堂頽然矣誦讀之處闕其無人矣嗟
乎此非昔之槐市耶而今竟風流歇絕也豈非爲宰者之
責耶鹿邑古鳴鹿地近接梁園亦人文藪也自老聃希夷
而下如田君壽軒介肅王復軒諸賢皆一代偉人其他學
行卓絕亦未易更僕數高曾矩矱舊德未湮而天地靈淑
之氣又復時鍾於仙臺丹井間於此不安以鶩湖鹿洞之
規致使士多野處而匿其秀余甚爲鹿之人材惜而鹿之
人轉將惜余亦風塵俗吏之所爲也聞之師道立則善人
多余性素樂宏獎爰於公暇訪鄉賢而謀之首捐廉三百
緡爲之倡而諸鄉賢亦各輸已資爲之助更廣集一邑之
力以善其成且謂向者一畝之淤隘而僻處雖遠囂塵而
地則向幽向幽不可文曷移而南乎南文明之象也於講
學宜因是卜宅於猶龍堤之西南而疇昔舊舍葺之仍昇
義館則成人有德而小子亦有造也是舉也經始於道光
戊子歲春二月落成於己丑歲秋九月○附書院經費款
目光緒十年五月南運鹽局捐入制錢一百千銀二百兩
存典生息自十年五月始至十七年十二月止本息積存
錢二百十二千有奇銀四百二十四兩有奇二十年十月
知縣于滄瀾捐入錢一百三十千撥志書局錢六百千合

易銀五百七十五兩六錢六分合前銀共庫平一千兩仍
存典一分二釐行息分季繳署爲致送山長束脩之費
張煇捐入地一頃六十九畝三分有奇又入官地三頃三
十四畝六分有奇共五頃四畝每歲課租人制錢一百三
十八千又已廢楊德寺遺田一頃三十七畝六分六釐天
齊廟遺田十一畝一分二釐七毫洪山廟遺田十畝六分
每歲課租共入制錢五十二千五
百文都爲生童月課膏火之費

真源學舍在昇仙臺前康熙二十八年知縣呂士鷄創建

嘉慶二十二年知縣劉德元重修始名鳴鹿書院有斷碑在文昌

廟內額題重修今廢無迹韓竹呂侯新建真源學舍說鳴鹿書院記

楚便道過之經猶龍堤知爲柱史故址停車謁焉行次一

額書曰伊人宛在意者秋水蒹葭有寄興乎逾邇而北見

是堂規模宏敞甃石方新軒牖洞開始落成時也堂之四

面皆環湖水危樓層矗於南高臺聳峙於北左繞雉堞右

鄰道宮固極地之勝也且雲影天光互相掩映令人動驚
湖鹿洞想詢之里人知爲邑侯呂公講堂夫鹿乃梁園屬
邑吾聞范文正公舊闢書院於平臺後凡有習業其中者
函皆爲當代之英公之建是堂也堪媲美矣再次臺前見

亭下一碑刊孔子問禮處始恍然曰所謂伊人其在是乎竊公之意殆有曠百世而相感者夫老氏開元教之宗孔子集羣聖之盛以二聖人講禮處寥寥數千載曾未有繼起者公將以仙令之才樹河陽之政直欲上紹二聖之芳蹤後開來世之道統者非特與文正公書院媲美而已里人揖余曰察先生言貌似能文者吾公歛人諱士鶴號任菴迺鹿之福星也其性和而平其容溫而厲其政事文章久矣播之當世今建此堂以禮樂教養人才爲急務堂中有石未鐫敢乞先生表公之志一言以實之何如余曰余固聞公之政矣且躬逢其勝焉敢過辭乃述曰是堂而以講名其旨深矣昔馬融講經絳帳王通講學河汾後世侈爲美談今公開學於斯抽經訂業振敝起衰爲爐鼎杏壇煥色爲國家培植英才爲禮樂垂示教源非細事也將見藜光螢火碑影堂陰干載而下戴公功德甯有極耶所願業是堂者體公懇勸作養之意遊是堂者當各生循禮樂善之心斯可以承公繼起之志而無愧斯堂旣而又私喜曰鳴鹿仙鄉也老氏以道德傳孔子以問禮傳今公以講學傳聖賢事迹前後一轍燦若日星余因是得附末光幸甚矣是爲記

義學

明洪武三年始立社學城內義社舊在養濟院東四鄉每
里立一社學後俱廢 國朝順治九年令每鄉置社學
區擇生員文行兼優者爲社師免其差役量給廩餼雍正
元年復令於鄉堡各設社學許志之言如此今亦無一存
矣

光緒鹿邑縣志卷七終

光緒鹿邑縣志卷八

兵事考

縣境兵衝也蹂躪之禍史不絕書梟於明季闖賊之亂而生靈之塗炭斯極如陳志言於時黎民亦僅有孑遺耳

國朝元氣涵煦仁覆庶類皇苞不睹兵革者越二百年咸豐初赭寇盜兵一旅北犯捻匪乘變潁亳雲擾於是四境罹患復歷周星然未至死亡若前之甚者則團練之功爲多或乃窮其弊詰病之以謂不可爲法夫亡山谿之險舍堡砦奚固禦剽忽之賊微鄉兵曷賴忠義之氣人所自有推激焉而隱有以化其矯虔是在良有司因噎廢食之談未敢信爲篤論也是卷哀集於古稍略語今則詳私家紀

載得諸聞見者多有可據依得失之林固在近不在遠矣
作兵事考

秦二世元年九月陳勝自立爲將軍吳廣爲都尉攻大澤
鄉收而攻斬斬下乃令符離人葛嬰循斬以東攻鉅鄆苦

柘譙皆下之

史記陳涉世家

漢高帝六年灌嬰擊破楚軍於平陽遂降彭城虜柱國項
佗降留薛沛鄆蕭相攻苦譙復得亞將周蘭與漢王會頤

鄉

漢書灌嬰傳

獻帝建安元年正月曹操軍臨武平袁術所置陳相袁嗣

降

三國志○改太祖爲曹操參用山陽魯氏邳州志例也

晉懷帝永嘉五年東海王越薨於項以襄陽王範爲大將

軍統其衆還葬東海石勒追及於苦縣甯平城將軍錢端
戰死軍潰勒命焚柩曰此人亂天下吾爲天下報之故焚
其骨以告天地於是數十萬衆勒以騎圍而射之相踐如

山王公士庶死者十餘萬

晉書東海
王越傳

梁武帝中大通六年遣元慶和克勰賴鄉據之

通鑑

隋煬帝大業十三年鹿邑縣民田黑社盜據縣改號潁州

唐書地

理志

唐高祖武德三年田黑社降

同上

立宗天寶十五載正月賊酋張通晤陷宋曹等州譙郡太
守楊萬石降賊通眞源令張巡爲長史使西迎賊軍巡率
吏哭立元皇帝祠遂起兵討賊從者千餘人

唐書忠
義傳

僖宗中和三年六月黃巢秦宗權合兵圍陳州趙犖求救

於鄰道朱全忠救之與賊戰於鹿邑敗之

通鑑綱目○舊唐書僖宗本紀

有云黃巢與宗權合縱兵四掠遠近皆罹其酷時仍歲大饑民無積聚賊俘人爲食其炮炙處謂之春磨寨白骨山積喪亂之極無甚於斯按全忠既遇賊鹿邑則縣境亦罹斯酷可知又考本紀乾符四年詔有曰近準諸道奏報草賊稍多江西淮南宋亳曹濮或攻郡縣或掠鄉村論河南方鎮有曰王仙芝本爲鹽賊自號草軍南至壽廬北經曹宋半年燒劫僅十五州雨火轉關踰七千衆知其時草賊之禍亦極縣境旣接宋亳必不能免惜史多缺略宅無可徵矣

金宣宗貞祐三年太康縣人劉全嘗爲盜亡入衛真界讒

稱愛王欲爲亂東平人李甯居嵩山有妖術全同縣人時

温稱甯可論大事乃使范元書僞號召之甯至推爲國師

議僭立事覺全温甯皆伏誅

金史世宗諸子列傳

興定二年譙縣

人孫學究私造妖言云愛王終當奮發今匿迹民間自號
劉二衛真百姓王深等皆信以爲然有劉二者出而當之
遣歐榮輩結搆逆黨市兵仗大署旌旗謀僭立事覺誅死
者五十二人緣坐者六十二人同上五年閏月陳亳等州
鹿邑城父諸縣盜竄起趣樞府遣官討之捕盜軍所過殘

民

本紀

哀宗正大九年

當云開興元年
年史傳誤

正月己丑游騎

謂元兵也

自鄧至

亳鈔鹿邑營於衛真西北五十里鹿邑令高昂霄知太康
已降卽夜趨亳道出衛真呼縣令楚珩同行珩見勢不支
卽明諭縣人以遷避之意遂同走亳二邑皆降

金史粘哥
荆山傳

元順帝至元三年河南榛胡倡亂左丞慶童督兵敗之於

鹿邑擒之號其岡爲得勝

權衡庚申外紀

十五年劉福通

潁州亂民

也物色韓林兒得諸碭山夾河迎至亳僭稱皇帝又號小

明王建國曰宋建元龍鳳拆太清宮材治宮闕於亳

明史韓林

兒傳

明太祖洪武元年兵下河南守臣完顏歹遁去

許志

武宗正德六年流賊劉六至竹愷店鄉民武學劉海謝福

宋純追賊首馬五斬之冬十月僉事孫盤率師至十一月

賊陷沈邱縣民驚懼空城逃去

許志引王志○按明史陸完漢賊奔河南推劉惠爲

首大敗副總兵白玉軍攻陷沈邱殺都指揮王保執都指揮潘翀北陷鹿邑與志微異王志成於嘉靖時疑傳聞較

確也七年春劉惠趙鏗亂河南連陷鹿邑上蔡西平遂平

舞陽葉

明史馮楨傳

世宗嘉靖二年正月十五日流賊王鏜寇境擄掠鄉民賈

家灘王皮溜竹愷店丁村吳臺廟新集被害尤劇二月初

一日副使王縉勦賊領兵至

許志引
王志

三十二年七月庚

午賊師尙詔

柘城人

陷歸德及柘城鹿邑

明史世宗本紀

神宗萬曆六年四月儀封人曹崙作亂自稱三乘教主官軍逐之崙走鹿邑生擒之

莊烈帝崇禎八年正月十七日流賊高應祥數萬衆至城

下焚掠 九年春正月總督三省兵部尙書盧象昇勦賊

領兵至鹿邑 十年十一月流賊數百萬衆至鹿邑連營

五十里殺村民十數萬 十二年春二月流賊格裏眼至

城下擄掠 十五年春二月河北賊袁時中攻縣城八日

不克

以上皆圖書集成所引

夏四月李自成陷縣城知縣紀懋勳死

之

許志

是年土寇竄起安平寨王之屏王之股胡培之等爲

尤橫

見陳志

國朝順治二年夏六月鎮守歸德總兵官孔希貴睢陳道副使王鏞計擒王之屏等誅之籍沒其家其黨猶據寨爲亂叛服不常 四年春二月睢陳道副使李芳蘊墮安平寨匪徒解散境內以謚

陳志○按宦績倪之稷傳謂之屏等之亂之稷實平之乃沿許志之

誤得陳志稍後傳未及改姑附正於此

咸豐二年冬十一月初十日潁州捻匪倡亂賊首鄧鳴劉四牛造等率其黨數百人至白馬驛踞焉西出剽掠至試量集知縣茅崧林督丁壯邀擊於張寨敗之賊衆西竄

三年春二月初五日擒首朱效先

邑人

王萬

安徽人

率衆數百

人自太和至據縣東南之南豐集縣人馬盛德糾衆逐之

追奔十數里殺傷過半初九日安溜集吳老虎吳茶甘吳

雙魁謀作亂徐樓王大賓王三落孫灣孫崇禮孫廣德孫

驟陰與之合吳荆山張國平孫惠山

皆安溜集人

與牛市集李

學思定計獲吳老虎等生擒之因率衆圍徐樓王大賓挾

雙刃潰圍而逸王三落自縊死復進圍孫灣獲孫驟誅之

二十五日朱效先復率衆至白馬驛聲言尋仇馬盛德復

出迎敵斬馘無算生擒十二人餘衆遁去三月初三日王

萬合其黨數千人至白馬驛盛德與戰又大勝追奔至淝

河集而還知縣茅崧林駐白馬驛諭團練鄉兵以盛德爲

之長頒予旗幟夏五月初四日粵寇陷亳州穎壽擒匪盜

起陳州府知府鄭廷錦柘城縣知縣祝塏諭結連莊會府

經歷張庭萬首起應之

城北張老莊人

與淮甯太和合分要扼禦

一駐亳州薛廟穿南北長塹二十里防賊西擾縣境一駐

縣東北兩河口防賊西竄淮甯太和一駐亳州狼橋口防

賊西竄睢州柘城馬盛德亦率東南鄉之衆潯淝河數十

里擇要堵禦自是聲援始壯二十八日擒匪趙百吉導粵

寇數百人至鐘鼓店

在鄆城北

謀肆劫奪盛德知之六月初二

日黎明率鄉兵奄至捕殺百吉羣賊無一得脫者是月擒

首劉元吉由縣境趨槐店

地界沈邱項城之間

十一月

詔起前

兩廣總督徐廣縉於家與署按察使牛鑑會勦歸陳士匪

十二月十九日粵寇自西還犯縣境兵部差官段貫甲率丁壯邀擊於馬邱鋪不勝貫甲殿後全衆而返 四年春

正月十三日擒匪至王皮溜集李和貴死焉二月十七日復至

張斌營王道死焉口月 欽差大臣袁甲三駐師雙溝油河馬

盛德選銳從之勦賊於三汉口張信溜集花溝集諸所斬

獲無算餘賊悉降冬十一月徐廣縉有疾以道員張維翰

代之 五年春三月二十五日擒匪至口口口庠生丁薰

率村人巷戰死焉賊初至薰聽以大義且戒以毋焚廬舍毋虜婦女賊大怒薰因戰死冬十

月初一日擒首丁三王火十字河集民舍皆盡初柘城縣知縣祝壇

爲團練會柘之東凡三十六局十字河集初八日擒匪至

釣魚臺吳荆山率丁壯禦之死者五人十三日亳州圍急

兵事

張庭萬馬盛德段貫甲各率衆援之

是日戰死於包公廟者有武生王萬清

是月

詔巡撫英桂馳赴歸德督勦三省匪以前福建

按察使徐宗幹副之十二月十九日擒匪由柘城東竄張

庭萬率衆分扼惠濟河米橋孔橋賈家灘高口諸要賊不

得入二十日擒匪至棗子河鄉人與戰於河口文童王天

安監生閻承先皆遇害

是年戰死於仁興集者有文童張汝林

六年春正

月十一日大雨雪馬盛德禦擒匪於傅橋力屈死焉

時同死者

有韓廣修薛雲生王良玉王振王有郭義賈明孟泰李二體薛玉棟在堂吳會尹那馬尙德孫有體

十三日

盛德子雲青率衆至傅橋與賊戰敗之二十八日段貫甲

率衆會柘城令祝壇敗擒匪於狼橋口追至黃鐘集賊還

闕爲所乘退至吳孟溝又敗壇陷溝中貫甲與子守經救

之得免團長岳萬春吳景章死焉二月二十一日吳荆山率丁壯數百人拒擒匪於簡冢集小河南賊少卻渡河而北荆山尾之賊復還戰荆山馬陷見獲被焚死陣歿者九人

吳云撞吳梓吳敬誠吳長富吳牛

吳從會吳七吳從顏孫考文

三月初四日擒匪據

董家溝店子集古城等所馬雲青率鄉兵往攻賊敗走初九日復還攻白馬驛雲青迎擊斬馘數百二十五日賊衆數萬自建清鋪兩河口渡河魏橋集賈灘集郭奶奶廟集之衆邀擊於石眼莊大敗死者甚衆

可知者郭應召武繼文武多才馬君白高

有相王道生王茂德七人而已賊西過彭廟監生彭孝全被執不屈死

孝全

畜快騎偵賊耗使鄉里知避賊嫉之爲所執孝全怒罵齒舌俱落死甚烈

二十六日突犯縣城

焚附郭民舍雲青率衆赴援會河北鎮崇安帥騎兵至賊

退去雲青追戰於傅家橋殺傷甚衆并獲其渠雷震送官

誅之

是日與賊戰於閭花園西死者有閭鵬林閭仲林戰於黃橋口死者有孫化邦據采訪冊春罵賊死者有生員梁如海而不詳何月姑附於此

夏四月知府鄭廷錦至縣防勦駐師於

十字河五月段貫甲會栢城太和淮甯鄉兵隨袁軍敗擒

匪於雉河集秋八月初八日擒匪掠馬邱鋪而東河北鎮

兵邀擊之於建清鋪大破之擒首王貫三歿於亂軍中初

十日餘黨西竄貫甲復敗之於馬邱鋪子守經死焉九月

十六日擒匪掠王皮溜集西至試量集新集諸所馬雲青

追之不及

是日戰死者有甄生周玉璞劉文章楊宗閔羅廷修采訪不詳死於何所二十四日

官軍追及於生鐵冢與戰大敗賊乘勝至城下由馮橋傳

橋黃橋諸渡口渡河列陣而東冬十月初六日巡撫英桂

自陳州進次縣境適察哈爾騎兵至遂進駐亳州十一月

十五日知縣顏懷忠率鄉兵勦賊於百尺河劉景魁率衆

從之大敗死者十八人

段君才劉鎮單有官單有道劉居住單中魁高三李東振單中勇高

同堂王得時焦答張坦錢國修錢振修劉繼是役鄉團隨

視壇戰賊於亳州東麻莊陣歿者百數十人可知者僅有

張善繼張克立鄭元德宋子倉十七日擒匪至侯橋王振

武殿會潘永明郭又卓張樹明七年春二月二十九日擒匪

焉是年死於賊者有孫登至丁村集朱占鰲率丁壯隨練總郭連三禦之連三陷陣

中占鰲力救得出賊怒悉銳圍占鰲創重被獲後其子寬

獲遺同時戰死者十二人羅青山韓桂龍羅敬德丁多雨

履一何四張立山張羅清和張進報羅玉太楊天珍魁山張卓儒 秋七月十九日擒首劉狗率騎賊數千自

西北至經賈灘集避亂者車數百乘皆爲所擄九月口日

由縣南大掠而西二十四日復折而東掠縣西北境是年

巡撫英桂督師勝保先後至縣馬雲青得巡撫檄總東南

鄉團練 八年春二月初七日擒首張樂行龔瞎子按豫軍紀

略係穎匪尹老藏 率其眾至丁村集鄉兵迎戰死者十人

之黨未知孰誤 王珍玉黃得虎劉仲謹牛興德牛興波

謝素存王懷忠李興劍李興友李玉穆 十五日據磚橋西

南之茅莊鄉兵攻之戰於丁村集東死者二人周金柱二

十五日擒匪猝至磚橋口東南紅山居等處馬雲青禦之

眾屢挫死者一百三十八人張純一宋連吉張純禮張中

長洛王羣韓敬宋福田宋福培辛大文李巨宋連甲辛自

成辛自素李大太張驢王鎖生陳佐張景張繼修李流成

張百年張繼周王欽周麥張季王玉龍郭安心張承先王

太山郭流張夢貴王可宗高羣龍張自立王盤王狗王連

魁王玉南崔大流魏如碧張自立陳繼亮王成孛張允平

張允禮丁見口部張廷賜師云龍郅臣張春龍申華春

陳二張潔清池文焦瑞兆張玉清梁迎申流星伴玉得郭
魯秀暹長平孫廣林趙化工劉時興陳繼成趙化章李還
張長引陳周張維清倪法牛成立張引龍賈潛修牛永仁
張繼曾武克松許明易張繼萬李秀廷許明德侯虎張純
郭見東趙同魁張方立陶二現趙見張廣現張方修張應
魁張合張繼舜張維和張應運石秀張書成張穗李同張
書三張方全王大銀張喜王自李文張高山王成史大漢
張合住王立佐王根王玉修王卓王初張東交王路張棗
王馬賈應舉朱羣謝靈三朱倉謝天賜牛運吳澇朱
智謝靈禹盧欽蓋長松馮占魁蓋根王玉中宋連珠三月

十一日巡撫英桂至自陳州賊衆遁去雲青糾列寨之衆

追至傅家橋敗之獲其車乘器械無算冬十月二十六日

擒匪復由陳州掠縣南境東竄白水之戰牛煥死焉采訪

此時是歲南陽鎮邱聯恩駐師槐店九年春正月巡撫

恆福以軍事專屬之邱聯恩復親至縣與籌防勦之略總

兵朱連泰跡自亳來會恆福閱視諸營還建堅壁清野之

議三月擒首孫葵心率衆攻吳臺廟寨陷之楊萬和晉玉
來晉景良李治國皆戰死夏五月黑龍江副都統關保統
師至駐於城內秋七月進屯亳州八月擒首劉狗自趙家
屯聚藍旗賊數千閒道北趨擾及縣境關保回禦之冬十
月十五日擒首姜太林侯羅率衆犯縣境關保方追賊太
康聞之回軍二十二日次洪山廟與賊遇戰敗之二十四
日復敗諸棗子集賊分道竄歸亳州程三官廟之戰死者
百十三人可知者劉
士望崔廷珍劉士印劉士敏李四劉殿揚劉殿郎采
訪謂是年事未詳何月是年死於賊者又有郭夢岡十
年春正月十三日擒匪自亳州至掠安溜集而西閏三月
十四日擒匪復自至十五日官軍迎擊於急公鋪寨東
大敗步卒死殆盡賊旋攻寨陷之王豐泰胡長久皆戰死

十六日孫樓寨亦陷於賊吳崑山死焉夏六月擒首孫寤
竊踞馬厰寨奸民夏洪道段廣居等因以爲亂魏岡牛市
安溜高口諸集皆苦蹂躪秋七月初一日擒匪陷萬集寨
劉憲遠胥振德皆戰死初五日擒匪至城東歸德營遊擊
羅仲保追及之塵戰竟日手斬數百級賊勢益盛圍合不
得出力鬪而死是役死最烈者有勇目羅得勝又有李玉岡李全臣李榮富李有道李道潛是

歲團練大臣毛昶熙至縣檄馬雲青任防勦事附近諸寨

皆歸訓練

是歲境內築寨皆成

十一年春三月擒匪孫葵心之衆

自周家口回犯陳州者

至試量集副將圖塔納等卻之夏四月擒首

雷彥率衆圍史寨建清鋪武舉佟載陽率鄉兵赴援戰敗
死之圍數日始解二十九日進圍縣城駐防都司王守基

擊退之五月初六日擒匪攻淝河集寨馬雲青令子守先

會諸寨之衆三路援之賊釋圍而去六月二十九日土寇

宋淵周導擒首蘇添福攻賈家灘寨入其南門武繼盛率

衆逐之戰於寨外受創而死魏玠王有義相繼歿於陣淵周亦陷井被

獲爲衆所戮豫軍紀略譌爲五月三十日事秋七月初二日擒首李庫盧

和尚等合劉狗之衆由三丈口犯縣境之張斌營王皮溜

觀音堂生鐵冢諸處王守基及都司張玉敗之於王皮溜

初十日擒匪圍謝樓寨馬守先率衆赴援賊敗走八月二

十八日擒首朱喜元蘇立楞眼等敗於柘城掠縣境歸亳

州冬十月二十五日擒首姜太林等掠柘鹿邊界竄歸亳

州咸豐間死擒匪之難者尚有董鳳林董鳳羽董周于常何鳳歧武全德李登山陳德玉谷成修采訪或不詳年

月或不詳戰地姑附於此

同治元年春正月二十一日擒匪縱掠至鳳凰寺死者十

二人任守貴宋二和尙韓三周立倪全楊文清孫道場先張學禮楊狗李京二月擒匪擾縣

南境連陷耿寨秋渠寨踞焉同時陷者二十餘寨復攻傅樓寨急馬

守先率鄉兵五百往援賊不戰而走委棄旗幟器械無算

是月死於賊者有朱大樓寨朱鳳岡又有李心荷采訪不詳何寨人三月初四日擒匪至錢

店寨錢卓錢端錢百鈞錢化南錢文均遇害初六日夜攻志城堡殲入者千

餘人張庭萬張旭初率衆力戰庭萬折右臂及晨庭萬裹

創戰益力旭初然巨礮三賊敗墜牆走逐北數里斬首二

百餘級生獲三十餘人是役死者五人張允祥李應中張夢麟張芳田尹輔

知縣孫嘉臻皆臨弔賜以敝具初十日劉樓寨劉心廣

與雙樓集信莊約共復耿寨賊逆戰於寨東互有殺傷

劉樓

死者黃成耀韓祿劉妮子陳二劉景平韓合劉花田骧子

劉大漢劉天錫劉景玉劉奇韓忠劉狗劉景龍劉天眷劉

允先劉黑妮于治國劉國棟劉景行鄭玉獻劉景賜劉建

德張友劉二眷信莊死者二十五人可知者劉丕章信樂

庭信樂沂被擄不屈者陳金明劉文清是日與賊戰死者

有徐祥兆徐文香王玉田徐更新徐二舉徐魁徐明仁徐

裕徐廣照徐天立王科李眷天李喜德李玖李來德翁次

趙應選徐本仁王京元劉理關升秦流李秉彝劉保劉景

元張妮張歲李周李益陳關朱善繼朱耀先韓同兩王占

元韓林韓國振韓同治韓流徐繼春楊豆周貴劉景楊虎

狸楊羣范里徐倉董性劉萬張心廣

李輔德朱繼先采訪不言戰於何所

十三日擒匪棄耿寨

去夏六月二十九日馬廠集匪至馮寨王德銓與弟德鑑

德備均力鬪而死秋七月初二日趙閣寨陷監生周長有

罵賊死

同時死者郭廷祿郭燕郭廷瀉馮報本

八月二十四日擒匪至十字

河文童張藏珍戰死冬十月初一日擒匪至鳳凰寺張豆

朱羣馬四皆戰死 二年正月十八日擒首劉狗孫醜之

衆掠建清鋪夾渦河而西二十日僧軍翼長蘇克全都統

舒通額追勦於魏橋諸寨率衆出助戰大敗之追奔二十

餘里殺傷無算奪還被虜婦孺百數十人

是日死於黃橋河口者有鄭懋

忠七月初三日擒匪復攻郭六樓寨馬雲青請於防營張

玉王守基合隊援之賊聞夜遁二十五日擒首張總愚程

二老砍李庫等率衆萬餘由縣境趨太康

是年五月死於亳州肥河西者

有王永修徐善文陳景順王喜晏

四年夏五月巡撫吳壽昌檄知府湯

聘珍提督譚仁芳率師至縣

以張總愚賴汶洸據雉河石弓山白龍廟諸處牛老紅窟

據潁州府東北之江口集沙河沿任柱李允旋進屯亳州窟據宿州之臨渙集龍山諸處逆賊大張也

十九里溝 五年春三月初三日擒首賴汶洸牛老紅之

光緒鹿邑縣志 卷八
三
衆自阜陽回擾及縣境夏五月十五日牛老紅之衆復由
亳州闖入縣境薄□□寨庠生侯振邦率衆擊退之振邦
中鎗嗣以創死賊衆奔陳州

明年任賴之黨滅七年牛張之黨亦滅

光緒鹿邑縣志卷八終